



Inches  
Centimetres  
**TIFFEN** Color Control Patches  
© The Tiffen Company, 2007



8-1-86  
755-2  
24



明詩紀事卷十三

甲籤

袁凱二十首


凱字景文松江華亭人洪武三年舉人薦授監察御

史以病免歸有海叟集四卷

何景明大復集我朝諸名家集獨海叟詩為長叟歌  
行近體法杜甫古作不盡是要其取法亦必自漢魏  
以來者其所造就蓋具體而未大耳  
陸深金臺紀聞初高季迪與袁海叟皆以詩名而  
雲間與姑蘇近殊不聞其還往唱酬若不相識然何  
也都不如他今道季迪有贈景文詩曰清新還似我  
健之不他今道季迪有贈景文詩曰清新還似我  
得之朱應祥岐鳳岐吾松人以詩自豪於一時為  
序在野集者其文雖無考然兩言者蓋實錄云  
國雅袁侍御景文才情道拔往往有奇語尤閑于詠

貴陽陳

田輯



物其題白燕聞笛頗為時口膾炙  
香祖筆記明初詩人共推高季迪為冠而大復獨以  
海叟為冠空同許為知言今讀其詩古詩學魏晉近  
體學杜皆具體而微耳遠躋之青邱生之列未免失  
倫  
明詩別裁李獻吉謂海叟師法子美何仲默謂歌行  
得杜之體鄙意傷於平直未極變化若七言斷句在  
李庶子劉賓客間青邱孟載俱未及也  
田按孝陵嚴切海叟以權請免幸矣大雅集錄海叟  
蚊詩云羣蛇載載方門爭蝦蟇蝮蝮相和鳴百足之  
蟲行無聲毒氣著人昏不醒蚊蚋雖微亦縱橫隱然  
如雷吁可驚東方日色苦未明老夫閉門不敢行蓋  
元季傷亂之作也海叟詩骨格老蒼摹擬古人無不逼  
亦附會之過也  
肖亦當時一作家何大復標為明初詩人之冠過為  
溢美宜諸公之不取也

下直懷北山隱者

載筆侍雲陛向夕始餘閒撫彼清冷觴慰此憂戚顏出軒月  
纔皓臨街露已繁廣庭行且止修檻去復攀幽樹靄深翠餘

花發微殷俯仰不知夕星漢忽西還歸來空房卧嚴城漏欲  
殘鴉鳴九井動劍佩亦珊珊將隨夔龍後祇肅謁重關緬懷  
息心侶遺世在雲山焉能從之去逍遙巖桂間

遊西墅

吳王逐獸地土衡聞鶴亭古人不可見荒原今獨行遺堵儼  
若存阡陌復縱橫依稀望極浦迢遞盼春城江樹既掩靄原  
花復晶熒長煙覆漁屋白水亂鳧汀山川豈云異人事有消  
停卽此傷往時聊復樂其生寄言後來士此理可自明

池上二首

秋池行樂去池樹色已暝露下夕衣涼月上風簾靜饑禽墮  
疏竹鳴蛩出深井夜久人事息蕭然諸念屏

振衣書齋客逍遙池上步林隈薄霧起石隙幽泉度鷗迷夕  
樹返魚觸秋荷去清聲水上來欲去更延伫

偕友人早出郊

離羣真游豫得朋殊繾綣相將度春水散漫入芳甸班荆煙  
乍斂摘花露猶泫林鶯坐未出沙鳥飛還見遙山浮空翠晴  
雲曳輕練一聽野人言復起滄洲願

觀朱澤民所畫山水有感

朱公畫圖愛者眾聲價端如古人重王卿鉅公數見尋往往  
閉門稱腕痛我時挾冊遊郡城朱公愛我詩律精時時沽酒  
留我宿共聽西窗風雨聲清晨起來忘洗盥短衣飄蕭臨几  
案大行中條眼底生岩岫冥冥氣凌亂禹鑿龍門疏洛水根

入黃河源不斷南及衡陽抵桂林東入會稽連海岸是中竄  
我一畝宮正如浮萍在江漢溪流洄洄石齒齒夾岸桃花途  
遠邇原頭煙霧散雞犬屋裡詩書雜童穉扁舟遠來知是誰  
豈是昔日鴟夷皮五湖蝦菜殊可樂千古功名何足奇只今  
四十有三載公竟不歸畫圖在世間好手豈易得終日紛紛  
勞五彩感時念舊心獨苦况我頭顱白如許呼兒捲卻不忍  
看白髮高堂淚如雨

輿贈張鳴善

白帝城中客清秋碧海旁乾坤方洶洶身世獨遑遑萬里空  
形影全家墮虎狼悲歌三百首一一斷入腸

春日偶書

明詩集卷十三  
三  
罷官御史府屏迹五湖東江水供漁釣山花費酒筒野情方  
浩蕩高論入虛空明日春田事還尋荷篠翁

江上早秋

靡靡菰蒲已滿陂菱花菱葉共參差卽從景物看身世卻怪  
飄零枉歲時得食野鳧爭去遠避風江鶴獨歸遲干戈此日  
連秋色頭白尤多宋玉悲

南村

南村煙樹接蒹葭白鷺翩翩滿白沙此地遂成茆屋計何人  
更識老夫家卽開斷壘行新竹便接平皋樹雜花戎馬紛紛  
終未已此身泛泛獨長嗟

寓所

草閣閒庭春水邊雨蒲風柳自紛然隣翁對客還爭席水鳥  
依人欲上船西北朝廷無使節東南城郭自烽煙老夫避地  
非遊說正少蘇家二頃田

次楊廉夫先輩韻

吹笛春江煙霧稀幽芳小草總相依巫峽寧知雲雨夢滄州  
欲拭芰荷衣花間鸛鶴迎人起波上魚龍挾棹飛不似南州  
庾開府鄉關頭白苦思歸

白燕

故國飄零事已非舊時王謝見應稀月明漢水初無影雪滿  
梁園尙未歸柳絮池塘香入夢梨花庭院冷侵衣趙家姊妹  
多相思莫向昭陽殿裏飛

楊儀驪珠雜錄常熟時大本賦白燕詩云春社年年  
 帶雪歸海棠庭院月爭輝珠簾十二中間捲玉剪一  
 雙高下飛天下公侯誇紫領國中傳侶尚鳥衣江湖  
 多少閒鷗鷺宜與同盟伴鈞磯錄呈楊鐵崖鐵崖函  
 稱珠簾玉剪之句袁景文在坐曰詩雖佳未盡體物  
 之妙廉夫不以爲然景文歸作詩翌日呈之鐵崖擊  
 節歎賞連書數紙盡散坐客一時呼爲袁白燕以此  
 得名  
 靜志居詩話海叟居松江府治東門外崇禎末單麻  
 城恂即其址構白燕菴李舍人待問書聯於柱云春  
 風燕子依然入東海鰻魚不可尋相傳孝陵有言東  
 海走卻大鰻魚何處尋得爲海叟而發也  
 王士禎漁洋詩話松江有白燕菴海叟故居也康熙  
 丙戌門人周策銘寫其遺集相寄余感而題之云鼎  
 足高楊爾不慙百年遺蹟改名藍鳥衣王謝俱零落  
 七字風流白燕菴

京師歸至丹陽逢侯生大醉

白下西風吹夜涼五湖秋草著微霜千家砧杵初凌亂獨客  
 關山正渺茫歸去定應殘臘盡飄零猶幸此身強丹陽郭裏

盈樽酒且爲侯芭發醉狂

懷曾彥魯

不見曾公白髮侵酒杯棊局最關心年華冉冉情何限江海  
 悠悠水正深欲買小舟隨雁去便從幽壑聽龍吟聞其恆往來龍井  
 明年春滿長洲苑拄杖穿花處處尋

題吳王內涼圖

微月斜侵響屨廊芙蓉清氣滿金塘鴛鴦只傍闌干宿也愛  
 君王水殿涼

日莫卽事

茅屋秋來破不勝野雲沙樹自層層老夫生理今拋廢日日

江潭去採菱

江上寄書

湖南估客發西津東入姑蘇花正春獨有相思數行字欲從  
江海問情人

贈歌舞女童

漳河女子薦良童名在先朝樂部中記得教坊新隊子江南  
江北舞春風

瓜步夜泊

千里長江雨乍晴江頭燈火夜深明為報高樓莫吹笛故園  
東望不勝情

蘇伯衡 七首

伯衡字平仲金華人明初為國子學錄遷學正被薦

擢翰林編修辭歸洪武十年學士宋濂薦以自代復  
以疾辭後為處州教授坐表箋誤下吏死有平仲集

十六卷

田按平仲以古文鳴采景濂送平仲還鄉序云平仲  
辭章體裁嚴比姿態橫逸如春陽被物或根或莖或  
卉或條或云司馬溫公光資洽通鑑成一家言宋之  
後元承之宋有李燾雖嘗著為編年異同之論皆並  
存之蓋不取當作者之任元史新修十四朝之行事  
亦頗粲然可觀有能蒐纂以續司馬之書者將不在  
今日乎平仲學術富而辭章美其東還也將操筆削  
而錄也代不刊之典其為老輩推重如此平仲之官  
子學也官記其被薦在洪武元年未進學正見所作國  
七月九日晡時御筆宣喚詩云元霜溼霧動龍香水  
殿書題愛晚涼蟻虱小臣惟感愧伏聆天語金匱抽  
明亦許陪又奉天明門口號云玉階俯伏聆天語金匱  
無似只合山林送此生蓋引見後授編修即以病辭

也其官國子前後五年胡仲子跋平仲集云平仲居  
太學六年提要疑為史誤余詳檢本集蓋仲子誤加  
一年史不誤也集中又有被留校讎元史史館雜書  
詩云筆削自從尼父後文章無過馬遷優坐銷官燭  
知無補絲絡翻慙進庶羞蓋辭官後又被留史館至  
明年始得還也平仲夙懷恬退連雨雜書詩云決去  
胡不蚤無營尚盤桓東齋夕書詩云偶隨孤鶴行時  
見疎螢度即此有餘歡何况山中去  
自代力辭還山二十一年聘主會試後辭還尋被刑  
州教授以表箋忤旨下獄死二子恬怡救父並被刑  
覆巢之下安有完卵其為斯人言哉平仲集十六卷  
詩僅一卷非其所措意而澤古既深風格亦自騫舉  
其他著述無聞集本近亦罕見余假之江陰繆氏雲  
在龕

### 送宋起居還金華

長揖謝宦徒還歸戒征軸眷言幽貞廬篔在仙華麓就養望  
既盈考槃願亦足儲清濬昔池薙荒理舊竹蘭佩紐春蕤荷  
衣製秋綠沆瀣晨三曠彫胡晝九曝從今猿與鶴不復怨幽

獨

### 連雨雜書

江雨殊未已江風生早寒今我悄不樂喟然起長歎決去苦  
不早無營尚盤桓徒貽父母愁歲晏衣裳單

### 東齋夕書

幽居得自怡野性方愜素高枕一酣眠長廊獨閑步白日誰  
云長青山忽已暮皓月照前階涼風滿高樹偶隨孤鶴行時  
見疏螢度即此有餘歡何况山中去

### 贈徐季子

百金不惜市梘鞭兩耳不解聽朱絃人情如此亦何以我每  
見之獨慨然夫君懷寶起浙右掉鞅觀光來日邊夙學人言



破萬卷新製我喜窺幾編金莖玉露足秋爽林花澗草爭春  
妍紛紛牛毛豈不多振振麟角爾固專摘藻詞垣翻舍置採  
芹鄉泮仍留連所好者竿鼓者瑟猶柄以方鑿以圓陳平丰  
姿若冠玉酈生辯口如河懸禮意殷勤日三接華貫敷歷歲  
九遷由來利鈍係遭遇未必愚智殊天淵樂育菁莪亦已重  
况乃桑梓敢不虔去國不賦北平什還家徑上東吳船大材  
小試吾竊歎冷官不厭子乃賢嘗子閱世倏四十守官太學  
垂五年包羞待問成倚席畢景兀坐寒無氈勳業空期蠹附  
驥俛仰卻笑夔憐蚊彼哉浮榮勿復道歸歟樂事言難宣會  
稽雲門最幽絕鑑湖剡水交漪漣玄猿嘯呼山近屋白鳥明  
滅江吞天雲閒往往得靈藥月下時時聞采蓮多暇應爲曲

水會乘閒便作東山眠村翁溪友總愛客蕨芽蓴菜不計錢  
酒酣更斫銀絲鱸章就還灑蟬翼牋並遊只許鐵冠子同載  
應懷玉局仙願言留榻以相待一曲擬乞君王前

贈王彥和檢校還北平四首

錄二

拜表趨丹闕承恩宴紫宸羽儀江左彥簪紱幕中賓玉液金  
盃出瑤筵錦瑟陳轅門思贊佐迴轡敢逡巡  
乘傳歷長途齊封接魯墟頻年經戰鬥幾處遂耕鋤小市尊  
多酒貧家飯有魚重來朝覲日爲報玉階除

田按彥和名錡處州人與兄鍾一母同乳而生鍾字  
彥中早卒劉伯溫爲文以哀之彥和與修元史附見  
明史趙璠傳史不詳其仕履余錄高季迪贈彥和赴  
檢校北平詩僅詳其授職耳今錄平仲詩復檢平仲  
文集有送王彥和序云彥和儀觀甚偉於書無所不  
讀弱冠借其兄彥中試於鄉不中卽棄去作爲古歌

詩雜文長老咸推讓焉今春以議禮被徵而起尋承  
詔入史局纂修元史比史成北平之命下高君季迪  
率朝之摺紳賦詩以華其行而余序其簡首彥和爲  
宋給事中信之後家有槐堂劉伯溫爲之賦詩云晉  
公庭上三槐樹千載流傳是德符今日耳孫思繼述  
昔年手澤歎荒蕪當窗欲看屯雲葉夾徑先裁待雨  
株會見枝頭金粟蕊秋風吹送上天衢余於前後史  
局諸公無詩可採者必詳其事蹟平仲又有夏尚之  
太史哀辭序云我師克燕拔其知名士赴南京太史  
夏君以老病乞歸會遣使分道搜訪元史乃強君如  
江廣君辭不得命乃行行至番禺以疾卒君名以忠  
字尚之袁州人據此則夏君又續修庚申君史分道  
採訪十二人之一人矣

### 送蔡思賢參政使蜀

清晨旌節三川去今日車書萬里同燕餞都亭來詔使停驂  
鄉井訪鄰翁峯經迴雁邊聲靜峽入嘯猿樹影空昭烈祠西  
諸葛廟秦州城北隗囂宮神交露立蒼茫際長嘯風生感慨

中毛伯昔聞周上介隨何今見漢明公布宣德意相如最囊  
括山川太史工河隴從茲兵不構輶轅此去路相通庭充橘  
柚陳方物歌聽巴渝識土風最是多情江漢水直隨歸楫到

### 江東

田按思賢名哲武昌人丙午夏主明昇遣使來聘太  
祖使思賢報聘論曰蜀使者多飾浮詞誇大其國徒  
取人不信汝至蜀慎無效此其敢行也同朝多有贈  
詩詹同文詩云東吳霖雨佐西蜀將星明水落黃牛  
廟雲開白帝城邦交修玉帛賓禮會簪纓陸賈無裝  
贈楊雄有賦名詞源流映水詩筆發天聲邛竹臨風  
看巴船載雪行錦官談舊俗金節促歸程聖主龍顏  
望慈親白髮生鳳池邀閣老馬首出郊迎

### 童冀 二首

冀字中州金華人洪武丙辰徵入書館出爲全州教  
官遷湖州教授調北平坐罪死有金華南行雪川北

遊等集合爲尚綱齋集五卷

四庫總目童冀在明初與宋濂張羽姚廣孝相唱和詞

意清剛不染元季綺靡之習雖名不甚著而在一時

作者之中固亦足相羽翼

胡翰仲子集陶徵士高節非晉宋人比故世慕之章

應物之擬作蘇子瞻之和篇往往不絕中州是集蓋

兼取二家而寤寐乎柴桑栗里之間可謂好之篤而

思之精

田按中州金華城川十詠序云洪武丙辰冬忝徵至

京明年而職教全湖派大江西上五千里是嘗爲全

州教官矣集中零陵水車行贈丹崖隱者等詩皆此

時作也次衍公約看杏花詩云往年爲客上湘水萬

里不異僧行脚東還蒼雪又十年日夜思歸歎蕭索

蓋官湖州教授者最久故云蒼雪十年也張來儀爲

中州題畫詩云吳興博士今鄭虔故山未歸雪滿巔

今年召對席屢前蒙恩親賜水衡錢蓋職教湖州時

會朝京賜錢遣歸也集中擬古詩云我生七九年始

識廣莫風則遷北平教授時年已六十三矣中州前

和陶詩胡仲子書其後錢牧齋云蘇平仲書其後余

檢平仲集無此跋疑牧齋記誤也後和陶詩獨菴少

師跋云中州才力老成學問淹貫其和詩如繭抽泉

決畧不見其艱窘又奉答中州詩云金華先生老而  
逸欲作山中看花客寄來長律冰雪清往往丁寧看  
花約深致推挹金華明初作家林立往往以古文擅  
長若中州之詩與數子角立於壇坫之間當亦不多  
讓也

讀山海經

西極有玄圃東溟聞丹邱駕言往從之道遠孰我儔神仙不

可見弱水無安流不如返故居何事空遠遊

人生無百年口腹累甘旨甯知圃邱上乃有人不死赤泉亦

斲飯生草信不履寡欲可長年大藥何足恃

申屠衡 二首

衡字仲權大梁人徙居長洲洪武三年授翰林院修

撰謫濠有扣角集

楊維禎西湖竹枝集仲權少貧恥為商賈胥吏之習  
銳志經史善屬文然為時經生而兼工詩翰度越流  
輩時論難之其擬詞云青鎖春閒漏點遲博山香煖  
翠煙微隔簾誰撼金鈴響知是花閒燕子歸可以列  
才子之林矣  
田按仲權鐵崖弟子洪武三年被徵草諭蜀文稱旨  
授翰林院修撰以病免旋謫濠作為詩歌號扣角集  
貝廷珺稱其大篇短章和平古淡無哀傷怨懟之辭  
庶幾知命者詩沿鐵體流傳不多

西湖竹枝辭

白苧衫兒雙髻了望湖樓子是儂家紅船撐入柳陰去買得  
雙頭茉莉花

春去春來愁別離淡妝濃抹妬西施只今五斗青螺黛留待  
郎歸卻畫眉

張昌一首

昌字思廣臨汾人洪武初官國子助教

田按思廣與貝廷珺趙本初錢子予劉子憲同官國  
學推為一時之選其罷助教歸也廷珺作文贈其行  
稱思廣學足以相資言足以相發暇則與同輩出白  
下門登鳳皇臺倡和成什皆推思廣為冠惜詩不多  
傳不足見所長也

送李廷芳應察公辟

太行山下陣雲高破賊先登氣自豪全晉無人居險要西秦  
有客度洪濤關河形勢歸吟稟天地經綸入戰韜知已柱臣  
今郭李功名咫尺冠諸曹

鮑頴一首

頴字尚褻歙人明初以薦授博士廳典籤遷翰林院  
編修擢修撰出為耀州同知坐罪死

田按尚裝以詞臣扈從鍾山帝御擁翠亭給筆札賦  
詩時同賦者朱升張以甯秦裕伯單友中李其鐵冠  
道人也楓林翠屏有集行世餘者無詩可探余於程  
篁墩新安文獻志獲尚裝詩一篇尚裝出知耀州高  
季迪賦詩送行云鑿坡初罷直西去惜離羣載筆唐  
供奉襄惟漢使君濁流河驛雨高樹嶽祠雲公暇應  
懷古登臨賦夕曛尚裝政績頗有可述死非其罪唐  
梧桐有文紀之

書師山先生所題黃山崖石後

蒼崖百尺與雲齊徵士重來為品題姓字一時通漢史文章  
千載並浯溪春深莫遣莓苔沒日煖應添紫翠迷猶憶匡廬  
當日事短檠山雨五更雞

王立中 四首

立中字彥強長洲人以蔭授開化尉元末知嘉定州  
遷松江知府吳元年歸附攝松江知府有稗齋寓齋

辨隱三集二十卷

西湖竹枝集彥強少年傲達凌物晚刻節厲行能以  
門蔭公子爭秀於作者之林  
田按寶錄吳元年大將軍徐達攻蘇州遣元帥楊福  
參謀費敬直論松江府守臣王立中以城降達令立  
中就攝府事既而上命荀玉珍代之高季迪送王太  
守遷雲間詩云男屠猪羊女釀酒共禱神祠留太守  
太守今年遷大州徐書已下誰能留兩州相去無百  
里失君應愁得君喜安得如君數十人一盡福東  
南民又有送王邑長彥強詩云雨昏沙澹兼葭溼離  
人暮逐江鴻集田家迥首隔村遙煙路透迤一帆入  
縣齋明日寫秋吟古城高樹清砧急彥強生三子瓊  
字汝器璣字汝玉璣字汝嘉璣吏部主事璣璣官翰  
林璣最顯

西湖竹枝詞

孤山梅花開雪中恰似阿儂冰雪容不學畫橋南畔柳春來  
容易嫁東風

湖山堂前密雨飛蘇公隄上行人稀喚郎扁舟早回去春泥  
日晚汗郎衣

絕句

春波橋頭柳似煙越王城郭在西邊我家遠屋皆春水盡日  
鴛鴦隨釣船  
梅粉凝嬌不肯添晚雲籠暝壓重檐江南可是春寒甚十日  
東風不捲簾

林公慶

一首

公慶字孟善處州人明初官翰林出為松江知府

長沙

定王臺上關中土西望長安多白雲賈誼才高空有賦河間

博雅更無聞

張率 一首

率字孟循廣信人吳元年徵知嘉定州有張嘉定集

錢塘懷古

南渡諸陵玉柙灰錢塘孤塔是幽臺石麟久向雲根沒金雁  
何曾海上同掘漢赤眉因世亂賓周白馬自天來沛中王氣  
非陵寢徒使遺民過客哀

田按楊瓊真珈掘宋諸陵哀帝后遺骨瘞於杭之故  
宮築浮圖以壓之號曰鎮南陳剛中鳳凰山詩云浮  
圖百尺聳亭亭落日鴉颺野蔓青  
錢塘懷古  
詩云劫火不燒楊瓊塔怒風還激伍胥潮孟循此詩  
與二作同一酸楚陳寢兩山墨談云予聞楊秃所營  
浮圖凡三經雷震最後乃焚其金裏之尖頂若瓠壺  
者考鎮南之跡元人謂在杭之興元寺故宋大內  
也今杭之鳳山門外雖諸寺俱存然不知何者為興

元意者國初修復城隍之際有識者惡之特剗去之

包尼授 一首

尼授一名聖字師聖江陰人洪武初以明經辟授岳

州同知有鶴洲遺藁

田按承樂中朱紹輯高季迪楊孟載與師聖詩為三先生集師聖詩不逮高楊遠甚紹為師聖外孫欲私其外祖耳

登岳陽樓

江通巴子三千里雲鎖湘娥十二鬟為語遊人莫吹笛潛龍淵在月波灣

涂穎 三首

穎字叔良進賢人明初授中書典籤遷太常博士

田按黃庸之遊金陵與叔良及朱文昭倡和文昭詩不可得見叔良七言斷句頗有風致

題山水圖

憶昔灤陽八月歸北風吹雪灑秋衣槍竿嶺上停車望萬木蕭蕭落葉飛

上京次貢待制韻

竹宮窅窅秋風晚芸閣沈沈晝漏稀獨有蕃僧承詔寵紅衣白馬退朝歸

閤山雜咏

露盤直瀉上池水玉桂高搖碧落煙雁宕匡廬甲天下無人來看第三泉

朱逢吉 一首

明言雜事卷十三  
逢吉字以貞崇德人洪武中官大理寺丞

題雲林畫

昔年來看墨池鵝風雨扁舟載酒過一自春歸清闕閣幾番  
蛛網落花多

金網一首

網字子尚嘉興人元季舉鄉試洪武初知蘇州府以  
請減賦額賜死

小集南湖分韻得猶字

妖狐叫夜澤欃槍照神州大地無完郭人血當川流四塞失  
危阻况乃此平疇林垆盡野火圍榭為荒邱奔竄竟何所進  
退徒夷猶不有良守牧何以得依劉仰面見明月清光似君

侯既照我心曲還慰我離憂

涂幾一首

幾字守約又字孟規宜黃人有涂子類彙十卷

戎王出獵圖

九月遼陽草正黃天山飛兔白如霜驍騰已合三軍勢猛銳  
猶思百戰場金鼎割鮮供上將玉甌和血飲名王燕支小隊  
穹廬出也向天邊獵雁行

鄒矩一首

矩字元方宜黃人洪武初以儒士薦授南城訓導有

集

雲關嶺



明詩紀事卷十三  
朝從雲關遊暮向雲關宿仙人駕雲車遺我雙白鹿誰吹紫鸞笙清響在林谷

吳彤 二首

彤字文明臨川人元進士除贛州錄事明初以薦授國子博士同知嚴州終北平按察副使

峽口晚泊

翠壁隱殘照滄洲生夕陰鷗鳥忽飛去幽幽春水深日落潭水綠松閒聞子規征途一萬里江月每相隨

明詩紀事卷十四

貴陽陳 田輯

徐一夔

徐一夔 二首

一夔字大章天台人徙嘉興元末建甯教授洪武二年徵修禮書三年書成授杭州教授六年與修日曆書成將授翰林院官以疾辭賜文綺遣歸有始豐類稿

至正庚辛倡和集補傳大章博學善屬文危太僕在元時嘗言於朝授建甯路教授元末避兵於郡之白苳里有屋三四楹外有大柞因作獨柞軒記以見志錢塘潘時雍題一詩曰蕭酒幽軒水面開軒前老樹倚雲栽閒來扶杖過三市醉後支頤看百回風雨微隨龍化去雲霄常聽鶴飛來結鄰擬共榮枯事遮

莫人知是散材  
田按明初以考禮徵者如楊維禎王錡張宣朱右魯淵錢宰林弼劉儼張翼陳世昌輩不堪枚舉其見於明集禮者僅徐公璣會魯十人此外如高季迪送舒徵士考禮畢深歸四明詩云寄語關門吏休輕尚布衣叔孫聊應詔老卻故山薇赤日京塵遠蒼煙海樹微詔君還自歎歸者劉仲清江集有秣陵述懷詩云誤蒙曲臺召秉筆從諸公是仲修亦以考禮嚴會得之以修元史畢留禮局高季迪送徐大年歸嚴陵序云大年被召與修元史局成書禮局有司具禮傳送歸是議修五禮復奏留之其書又成禮何孟敬贈徐大年名序大年亦以修史留禮局成書禮何孟敬贈徐大年名序大年所修五禮又別自成書禮何孟敬贈徐大年名序云吳元年丁未歲寅以召徵至都四方之士翕然雲集是時置之通於古制者居之陳於憲章者居之二禮局宿儒之明史云太祖首定天下他務未遑首開文辭者居之明史云太祖首定天下他務未遑首開禮樂二局廣徵宿儒學耆儒分局討究是禮局之外有樂局厥後集禮書成未附鍾律雅樂俗樂三事始為合併耳又謝密庵送朱伯賢考禮序云皇帝混一

初元命中書暨翰林太常率諸儒定擬三禮明年再命集儀禮樂又明年徧徵在野道德文章之士相與攷定之蓋自吳元年至洪武三年無歲不詔諸儒攷禮三年九月集禮成特以大章等十人竣事耳大章為王子充所薦續修元史力辭其報子充書深明史法為世所稱始豐稿十四卷獨缺詩今所錄者皆散見於他選本者也

訪玘法師宿夕佳樓詩

寓縣俄多難湖山亦被兵名藍俱泯滅別構獨崢嶸翰墨看前輩登臨愧後生嚴城圍列嶂半檻出澄泓直篠侵檐上纖蘿附牖縈倚闌雲鳥度極目鏡天平日夕景逾好秋高思轉清殘陽樹間歿薄靄水邊橫紫翠霏微合丹鉛點染成茅津有漁唱麥嶺少人行暝色松門動寒颿竹嶼鳴疏鐘度餘響遠火露青熒仙梵微微出爐煙裊裊輕山盤堆露寶石鼎泛

雲英洗濯塵凡近皈依誓願精行當陪竺士聽法破無明

題徐良夫遂幽軒

臨風一讀遂幽篇鄧尉穹窿在眼前愧我未安三畝宅思君  
欲泛五湖船春明載酒穿花鴨日暮扶藜看稻田多少長安  
軒冕貴枉勞魂夢到林泉

劉承直 二首

承直字宗弼贛州人元進士明初被薦授國子博士

遷司業出為浙江僉事引疾歸自稱崆峒雪樵

田按詩綜云承直字宗弼以字行考之他書無云承  
直以字行者洪武二年召修禮書者有劉宗弼疑別  
自一人實錄吳元年定國子學官升博士劉承直為  
司業既書其名矣無緣前後互歧復以字行王子充  
書宗弼詩後云宗弼善於詩而於選詩尤工蓋出入  
鮑謝而闡曹劉之域矣又云君以文學起家以政事

名世蓋本末兼該者惜集不傳

同俞自安泛舟南湖寄龔所立

高秋留別墅亭午泛寒流未結巢由社遠同李郭舟波光迎

日動雲氣挾山浮為問乘槎客何時賦遠遊

采石蛾眉亭

昔從淮海泛歸舟曾為蛾眉十日留翠袖雁行歌子夜玉壺  
鯨飲醉清秋江山有待仍青眼歲月無情易白頭滿目閒愁  
懷李謝數聲漁唱起滄洲

周子諒 一首

子諒名愷以字行廬陵人洪武二年徵修禮書書成

授官四年中進士授工部主事

田按子諒詩見劉仔肩雅頌正音纏綿温麗惜不多傳

白紵歌

井梧墜葉聲如雨  
轆轤夜靜莎雞語  
西里佳人怨薄寒  
惆悵燈前歌白紵  
白紵新時白如霜  
象床開合秋水光  
製成只恐香塵污  
衣著偏宜九夏涼  
西風乍入羅幃裏  
數點清塵不禁洗  
競開篋笥試新紵  
舊服拋捐那復理  
嗟爾白紵怨勿深  
憐新棄舊他人心  
願將貞白永相保  
今年卷卻明年好

林弼 八首

弼改名唐臣以禁國號名氏復名弼字元凱龍溪人

元進士漳州路知事洪武初召修禮樂書授吏部主

事使安南還改豐城知縣以事逮至京從獄中上書

詔釋之命為吏部郎中出為登州知府有登州集二

十三卷

列朝詩集王禕臨漳雜詩云科名唐進士道學宋先  
儒風流今孰繼林子亦其徒注云林子元凱也  
田按實錄云元凱登元至正甲午進士第有文詞著  
聲閩浙間入國朝與修元史授考功主事兩諸書又  
云以儒士登春官修禮樂書余考元史前後兩局及  
禮書無元凱名續修元史以洪武三年二月開局七  
月書成元凱奉使安南在洪武二年八月始事三年九  
書成元凱奉使安南在洪武二年八月始事三年九月  
事去正如操公琰之不得列名元史魯道原之不得  
列名集禮耳宋景濂序元凱使南臺稱其文辭爾雅  
吾友王內翰品評閩南人物謂元凱為巨擘其為名  
輩推重如此

旅感

驅車秣吾馬萬里涉遠道遠道多險艱行子何草草晨征夕  
未息川陸漫浩浩行役豺虎區此身不自保明當脫塵羈優

游以終老

用貢泰甫尙書韻贈別吳君濟掾史

東國蒲柳滿江津  
杯酒離亭暫別君  
春事又隨紅紫老  
人生每似燕鴻分  
榕亭雨過聞鶯語  
桑海天青見鶴羣  
東府仙人應握手  
三山高處望紅雲

西村隱居

西村竹樹靜朝暉  
萬事閒來總息機  
一夜小溪春雨過  
半篙新水白鷗飛  
草堂築就貲誰寄  
彭澤歸來願未違  
最憶衡門凝望處  
平疇十里豆花肥

和韓南勝

白鹿山前舊草堂  
重來吟鬢已成霜  
花城衙放雨初歇  
竹寺

詩題日正長  
水蕁作羹流箸滑  
溪魚釀鮓透苞香  
野人喜見昇平象  
桑柘連陰古戰場

臨江

柳外樓臺入翠微  
水邊簫鼓蕩晴暉  
樟江雨漲魚新上  
阜閣雲生鶴共飛  
諸老尙留詩卷在  
此生未逐釣船歸  
篷窗吟罷還成醉  
蜜酒初香玉筍肥

覺初上人還永嘉江心寺

江心古寺金焦如  
滄波湧出青芙蓉  
千歲鶴歸作人語  
九淵龍起聽梵書  
山屐重尋謝康樂  
丹砂試問陶隱居  
自是初心得真覺  
閒身去去隨樵漁

題方壺子墨竹

方壺仙子御風還雲外珊珊響珮環吹徹鳳笙山月冷參差  
玉管落人間

題畫

白石青蒲春水生夕陽毛羽照沙明戲拈畫筆知何處柳外  
池塘艇子輕

張翥二首

翥一作翼字翔南建德人徙居嘉興元末舉於鄉明初

徵入禮局告歸有梓宇集

田按竹垞稱翔南所居有巨梓徐一夔為作記余檢  
梁孟敬石門集亦有梓宇記云今天子將即大位寅  
與君同受詔稽古禮文則翔南徵入禮局亦在吳元  
年矣

憩景德寺分韻得話字

郭遠樹稍陰野曠秋始屆舟迎浦上迅愠釋林閒快紺園幾  
世闢斷碑何年壞閣披龍象擁壁翳天人畫良朋蔚胥集僧  
衲喜出話談幽貝葉翻襟散袈裟掛池深浮菡萏露晞餘沆  
漉石田際秔秔秋風偃蒲稗屢愜清賞延迫此日西邁篇什  
志借遊母云桑菅蒯

題蔣顥畫翎毛

曾向山中倚玉闌瓊葩相映碧琅玕翠禽嗁破香雲夢別有  
春風釀早寒

陳世昌一首

世昌字彥博錢塘人元末徵授翰林院編修明初徵  
入禮局授太常博士有希言集

田按彥博自號西湖真拙寓嘉興作南湖賦傳誦于時

亂後南湖詩會得地字

寄家橋李城情為姻交繫時登城上樓吳山望天際去年向  
西湖重尋煙水契驀聞兵變起謀閒若天墜舉足不敢前念  
之心欲碎兼旬難方解歸舟急偏滯半道聞鄉信十言九不  
是踉蹌入郭門閭闔成赤地到家見妻孥喜極返涕淚具言  
鄰公衙吏兵球逾至男女十九人幸免毒鋒刺琴書賴復完  
疏狂更容肆翹首見輝光恍惚疑夢寐

孫作二首

作字大雅以字行一字次知江陰人洪武六年召修

日厯書成除翰林院編修以老病乞外授太平府教

授入為國子助教遷司業有滄螺集六卷

澄江詩選孫次知五言古實近東坡七言律絕氣味

淳厚

田按洪武六年召修日厯宋濂詹同為總裁官樂韶  
鳳為催纂官其與纂修者吳伯宗朱右趙壘朱廉徐  
一夔徐尊生孫作逾年書成凡一百卷濂等又言日  
厯祀天制蠻夷凡四十四類名曰皇明寶訓宣示天下  
敬天詩派欲祀宋元而宗唐人次知取徑蘇黃錄詩  
明人詩派欲祀宋元而宗唐人次知取徑蘇黃錄詩  
至滄螺來空谷之足音也

謝馬善卿送菜

嘗欣食菜美自謂肉不過今晨齒頰間屢嚙安敢唾持梁嚙  
肥鮮野菽誰當課使君可憐人異味諳小大我本江南樵酸  
寒羹不和空腸轉藜莧糲粟連糠稭雨韭春割苗霜菘秋釘  
座羊躡釀旨蓄蒲歛雜細判芋魁掘地底菱首洗泥科木魚

三百頭竹筍一萬箇朝湘出山厨夕煮吹煙銚堆盤青黃見  
入口生澁奈以茲媚盤飧頗復如君作採之諒有時蒸或躬  
自佐白鹽點葱橙紅椒羅白磨蔗錫質劑調醞醯芳辛破香  
飯炊屢熟宿酒醒方餓鷺掌推不受鼈裙空欲蛻饋案連十  
罌飽食深自荷霜根咀寒齏三歎論奇貨米壺奪仙廚適口  
騰軒簸四海一東坡拙謫常坎珂參軍半畝菜詩句劇嘲賀  
我憊不償一造物知何那抱甕力不任負鋤筋苦墮亦欲賦  
歸田自種百畝粳傳君作菜法華慈旋封裏食勤不愧天日  
晏從高卧

酬蔣逸人連日觀花之會

照坐金沙笛裏開青春兩度為花來江粧初見三千指錦繡

重添一萬堆細雨流霞移曲檻東風落日坐平臺深紅淺白  
俱情稱醉後題詩記此迴

瞿莊二首

莊字敬孚常熟人洪武初以薦授翰林典簿與修正  
韻尋遷禮部員外郎擢福建右參政轉左參政

閩書出甯越門二里曰橫山池西為南臺山崇阜屹  
立俯瞰巨潭閩王無諸廟在焉廟循漢制王西坐夫  
人東坐洪武十年布政使葉茂禱雨有應以聞中書  
下禮官議從神故封稱漢閩越王之神右參政瞿莊  
為文刻石系以詩曰炎荒之隅閩濱赫燁耀光  
郁分維王奕葉神禹孫首驅虎豹歸赤帝尊鐵騎汗  
保黎民幹旋機軸轉化鈞謳歌來歸赤帝尊鐵騎汗  
血趨崑崙手扶烈日開冥昏形弓旅矢昭殊勳草木  
衣被生陽春漸摩風教俗以淳秀民挺拔宣人文甘  
棠蔽芾森若雲翼遺廟今尚存歲時報祀羅酒樽  
噉薦蕙鬱香苾芬翕張造化參乾坤神靈赫若搏桑



田按洪武八年二月正韻成凡十六卷纂修者侍講  
學士樂韶鳳宋濂待制王俱修撰李叔允編修朱右  
趙堦朱廉典簿鄒孟達典籍孫蕡黃答祿與權敬孚與  
焉其書大旨斥沈約為吳音一以中原之韻更正其  
失以古來相傳之云初顧祿為宮詞有以爲言者朝  
人所議李賓之觀其詩集乃用洪武正韻遂釋之時此  
廷欲治之及觀之故也然終明之世亦鮮有遵之者  
書初出亟欲行之宋景濂稱其文學蔚茂應制諸作  
敬孚詩頗有風致宋景濂稱其文學蔚茂應制諸作  
率皆稱旨

秀野軒圖

高士閒門日日開  
遠山如髮水如苔  
幾時脫卻塵中鞅  
布襪青鞋屢往來

題慧麓秋晴圖

清遊嘗飲惠山泉  
客裏披圖思惘然  
尙憶信安祠外柳  
蕭條猶帶沐隄煙

趙搗謙一首

搗謙名謙一名古則餘姚人洪武初徵修正韻出爲  
中都國子監典簿罷歸尋以薦授瓊山教諭有考古

餘事

鄭曉今言趙古則搗謙餘姚人洪武初徵修正韻衆  
以謙年少黜爲中都國子監典簿同官論事不直罷  
歸築考古臺述六書之旨注聲音文字通及易學提  
綱諸書三百餘卷大臣薦召爲瓊山教諭進所著書  
不報還瓊山初謙來京宋濂遣子仲珩受業謙歸仲  
珩校正韻多其說謙六書之學最精既沒門人柴仲  
廣敬以聲音文字通進書者之心好之莫得而見也  
田按孝陵徵修禮書中書省云令天下郡縣舉素  
志高潔博通古今練達時宜之士年四十以上者禮  
送至京其年過五十未及四十非深知經術者勿遣  
搗謙應召時年二十八當事者以議論不合借年少  
斥去殆援此制也余謂搗謙巨類賈生遇榮司馬擢  
謙沒後長陵修永樂大典門人柴欽進言其師所撰  
聲音文字通當採錄奉命馳傳卽其家取之此何異

月寺己酉卷十四九

長卿之封禪書也明初之善書者朱孟辨之篆塚趙  
撫謙之墨窗最爲韻事董良用題篆塚云華亭朱茂  
才好古喜欲顛一掃世俗書習篆忘食眠秦望并之  
采碧落兼新泉小者案間列大者屋壁懸平生囊  
貴多充買碑錢功深學既精齒壯志逾堅池魚染  
黑鐵硯磨將穿摹搨累萬番期差古人肩師法正在  
茲什襲比躡筌孫樵文自彖鏡石表爲阡寶劍賈胡  
山雨之瘞其巔聚土封若堂鏡石表爲阡寶劍賈胡  
發玉柙蔓草纏何如篆塚光夜映列星躔管時敏賦  
墨窗云君居於越文獻邦家藏金石書滿窗磨穿青  
州老未已萬斛巨鼎疇能扛吳興宗人己物故浙河  
東西誰獨步君今有志繼絕學砥柱中流見孤注剡  
溪百番冰雪光元霞一斗松煤香滿堂賓客看揮灑  
風雨颯颯龍鸞翔他若滕用亨之篆書王止仲作歌  
云南陽髯翁學古書雅與秦漢參錙銖古文奇字盪  
胸臆豈若俗工譌魯魚自言初習勝國時玉雪左丞  
吾所師荻莖錐沙指畫腹廿年勤苦求妍姿張藻仲  
之草書高季迪作歌云昔聞汝祖東吳精醉傳草聖  
醒而驚汝今能飲不滿杓逸氣欲與相崢嶸高堂把  
筆若把槳長綸一拂悲風生陰垂大澤雷雨過響破  
巨峽波濤傾皆書苑佳話也

聲音文字通成賦詩

文字聲音歎久訛十年辛苦事研磨誰云沈約知音甚未許

揚雄識字多魯魚從今堪辨析鼎鼐由昔費摩挲總憐朋舊

微鍾子歸卧雲山看薜蘿

張美和首

美和名九韶以字行清江人元末累舉不仕洪武三

年以薦爲縣學教諭遷國子助教改翰林院編修致

仕歸二十七年徵修書傳會選書成遣還有吾樂山

房稿

田按美和在成均有師法與聶鉉貝瓊號爲三助洪  
武二十七年帝觀蔡氏書傳論象緯運行與朱子詩  
傳不合其他注與鄱陽季友所論有未安者徵天  
下名儒訂正之兵部尚書唐鐸等舉美和等二十七

明言系身卷十四

人帝遣行人馳傳徵至特命學士劉三吾總其事余  
考實錄所紀與美和同徵者國子監博士致仕錢宰  
助教致仕靳權教授高讓學正王子謙教諭張士諤  
俞友仁何原銘傅子裕周惟善訓導唐棐周寬趙信  
洪初萬鈞王賓謝子方吳子恭儒士解震生熊劍揭  
軌蕭尚仁蕭子尚王允昇張文翰張思哲宋麟竹垞  
經義考謂當時修書者尚許觀景清盧原質戴德  
彝皆以死建文之難刪去然考今所傳書會選舊  
本尚有胡季安門克新王俊華等十一人而無靳權  
吳子恭宋麟三人豈實錄所紀但據始事時所徵其  
後或去或增互有不知錄亟稱之  
最善顧亭林日知錄亟稱之

歸隱

歸來江上看青山種柳成陰漸可攀  
舊夢任隨流水去此身相伴白雲閒  
錦囊書帙收千卷金井丹砂貯九還  
留得玉堂揮翰手賸題佳句落人間

錢宰三首

宰字子予一字伯均會稽人元進士洪武二年徵修

禮樂書授國子助教十年加博士致仕二十七年徵

修書傳會選書成遣還有臨安集六卷

四庫總目錢宰詩吐辭清拔寓意高遠刻意古調不屑

為豔仄之體

田按子仕履各家紀載多有錯誤列朝詩集踏駁

尤甚實錄洪武六年三月以儒士錢宰為國子助教

是年命建歷代帝王廟則子撰撰一實錄十年三月

此時牧齋敘次于修書傳之後誤一實錄十年三月

國子助教錢宰以年老乞致仕有上敕云助教錢宰學

問老成訓導有方在學數年俛有成就云助教錢宰學

辭還鄉特授翰林郎國子博士致仕而牧齋云二十

七年召校書翰林郎國子博士致仕而牧齋云二十

江東諸門酒樓成賜百官鈔宴其諸儒年耄思歸者遣

帝大悅遣禮部尚書任亨泰諭諸儒年耄思歸者遣

之宰年最高請留而牧齋云公嘗口占絕句云四鼓

蓼蓼起著衣午門朝見尚嫌遲何時得遂田園樂睡

朕曷嘗嫌汝何不日改憂字又曰朕今放汝去好放心

月詩記事卷十四

上

睡熟矣公率諸老人拜謝皆遣還此詩當賦於官助  
教之時而敘次於修書傳之後必無去留聽便之人  
忽賦思歸之句自相牴牾誤三十四庫提要云臨安  
集中金陵形勝論末署洪武二十七年六月國子博  
士致仕錢宰進九月書成六月已先署博士此尤早  
加博士之確證又云是致仕即在奉召之年修書遣  
歸非致仕也亦小有誤偶不檢耳子詩如畫家淺  
絳法雖亦著色不沒骨幹

遊西山

西山一何高有懷在泉石蕩舟渡西冷秋水今幾尺渚花泊  
孤橈岸草納雙屐涼風樹上至林影下衣碧羣動方自營塵  
機念俱息邂逅方外人招邀坐深席悠然外死生矧復慨今  
昔我客語正深僕夫勸還役川明月初至樹暝山已夕歸人  
樵唱來落日墮西壁

題崔彥輝雲林小隱

畫魚  
雪上平林半是雲索居別墅樂閒身蘋花落日江南唱楊柳  
滄灣若下春隔岸青山連罨畫當門綠樹接比鄰外家第宅  
相過近內翰風流世有人

畫魚

綠波春水沒漁家楊柳青青拂釣槎三月江南春雨歇一雙  
鱸鮓上桃花

揭軌

六首

軌字孟同臨川人洪武初以明經除清河主簿遷知  
縣秩滿歸復召主江西鄉試校定書傳會選書成賜

金歸有新河集

田按孟同詩以律體見長可肩隨甘彥初明初臨川  
宗派如此洪武二十七年召定書傳會選賜宴酒樓

諸儒獻詩惟孟同詩獨傳

題孫氏遺墨軒

宣文學士吾季父草書往往追懷素玉堂多暇日臨池方駕  
長沙美無度聞道尊公居豫章亦以能書相頡頏錦囊長紙  
霜玉潔清醉時時臨數行山陰別後驚捐館零落狸毫并象  
管白鵝池冷綠苔深銅雀硯寒清露滿吾廬兵後住江村玉  
堂佳帖無一存卻憶君家文獻在香奩犀軸付諸昆

題大長公主林館

主家林館御溝西楊柳扶疎映舞衣玉沼萍開魚上躍繡簾  
花妥燕低飛微風翠輦宮中去淡月霓旌苑外歸四海昇平  
當此日萬年行樂莫相違

賦得浙江亭送張別駕

銅柱煙銷百粵通故人千里入閩中將軍幙府求高適使者  
書詞請石洪野館別時楊柳綠綵毫吟處荔枝紅丈夫許與  
誰知已須佐雲臺第一功

秋思

綺窗紅燭淡秋光鳳帳流蘇滅夕香機杼隔花間翠戶轆轤  
臨水凍銀床秋風紫塞書千里夜月清砧淚數行望斷金鞍  
秋又杪芙蓉零落玉池霜

宴南市樓

帝城歌舞樂繁華四海清平正一家龍虎關河環錦繡鳳凰  
樓閣麗煙花金錢錫宴恩榮異玉殿傳宣禮數加冠蓋登臨

皆善賦歌詞只許仲宣誇

詔出金錢送酒壚綺樓勝會集文儒江頭魚藻新開宴苑外


鶯花又賜醕趙女酒翻歌扇溼燕姬香襲舞裙紆綉筵莫道

知音少司馬能琴絕代無

姜南蓉塘詩話國初於金陵聚寶門外建輕煙淡粉  
梅妍柳翠十集樓皆用官妓與唐宋不異後始有禁耳  
國初搢紳宴集皆用夕詩花月春風十四樓今諸樓  
永樂中晏鐸金陵元夕詩  
皆廢南市樓尚存太祖造十六樓待四方之商賈士  
周暉金陵續事太德二年大中丞顧公佐始奏革  
大夫用官妓無禁宜宴南市樓詩當時之盛可知  
之國初知縣揭公軌有宴兒之遊樂而已  
矣今此樓雖存不過屠沽市之金夕詩云花  
靜志居詩話永樂中蜀人晏振之金陵春夕詩云花  
月春江十四樓詩話永樂中蜀人晏振之金陵春夕詩云花  
醉仙樂民集賢謳歌鼓腹輕煙淡粉梅妍柳翠也姜  
明叔蓉塘詩話謂皆在聚寶門矣周吉父撰金陵瑣事謂  
城為名必不皆在聚寶門矣周吉父撰金陵瑣事謂

有十六樓在城內者曰南市東者曰北市在聚寶門外之  
西者曰來賓在聚寶門外之東者曰重譯在瓦屑壩  
中街南者曰醉仙在西關中街北者曰輕煙曰淡粉在  
西關北街者曰柳翠在石城門外者曰鼓腹所載特詳  
日謳歌在清涼門外者曰梅妍在石城門外者曰鼓腹  
用脩藝林伐山遺南市北而談也相傳定正蔡清  
江石城因曲就十四樓之目然揭孟同詩云詔出  
書成宴編纂諸臣於醉仙樓上儒題曰宴南市樓則非  
金錢送酒壚綺樓高會集文儒然揭孟同詩云詔出  
醉仙明矣實錄洪武二十七年八月庚寅新市樓則非  
酒樓成先是上錄洪武二十七年八月庚寅新市樓則非  
部作十樓於江東諸門之外令民設酒肆以接四方  
賓旅既又增作五樓至是皆成賜諸儒宴及鈔於醉仙  
樓是則編纂諸儒先與百官並賜諸儒宴及鈔於醉仙  
以書成賜宴者南樓也蓋酒樓本十六其一日樓皆  
樓建後被焚此實錄止言增建五樓也當日諸樓皆  
有官妓不獨輕煙淡粉極目亂紅妝於集賢則云妙  
通集句詩於北江則云時轉拂塵埃於來賓則云舞  
舞日向於清江則云翠袖拂塵埃於來賓則云舞  
破日向於清江則云翠袖拂塵埃於來賓則云舞

明詩紀事卷十四  
花象外幽於鶴鳴則云白日移歌袖而孟同詩云詩  
寫桃花歌扇底酒攜楊柳舞樓前又云趙女酒翻歌扇溼燕姬  
錦繡鳳皇樓閣麗煙花又會之盛君臣相遇之隆亦  
香襲舞裙紆追憶承平都會之盛君臣相遇之隆亦  
一段佳話也



明詩紀事卷十五

黃國詩

貴陽陳田輯

甲

朱同一首

同字大同休甯人學士升子洪武中舉明經為徽州  
教授復以人才舉召為吏部員外郎擢禮部侍郎坐  
事死有覆瓿集七卷

四庫總目覆瓿集有范櫟跋稱同洪武中以人才舉為

東宮官尋進禮部侍郎而同時范準作雲漢歸隱圖

跋則云由吏部員外郎升禮部侍郎準字平仲嘗受

業於同之父升與同交至契所記宜得其實又明史

但載同坐事死而不著其詳一葵堯山堂外紀乃

云同以詞翰受知宮人多乞書便面一日御溝有浮  
尸帝疑之遂賜死其說頗荒唐未可信也集凡詩三  
卷多疑未之作爽朗有格文四卷議論純粹不愧儒

明詩紀事卷十五

一

者之言  
田按黃瑜雙槐歲抄稱大同父升得六王之奧生子  
同升課之日此子後必遭婦人之禍天兵過嶽高皇  
帝素知升名召問遂預帷幄密議臨行問所願欲升  
踞而泣曰臣子同後得全軀而死臣在地下亦蒙恩  
不淺矣後同仕至禮部侍郎善詩翰大被寵遇禁中  
畫壁多其題詠或令題詩賜宮人忽御溝中有流屍  
上疑之將殺同因念允升之請令其自經王課精妙  
亦至於此與堯山堂外紀所言同一不經今檢覆韻  
集有遭誣得罪賦詩見志云四十趨朝五十過典章  
事業歷研磨九重日月瞻依久一代文章制作多豈  
有黃金來暮夜祇愁白髮老風波歸魂不逐東流水  
直上長江訴汨羅蓋以職罪見誅也大同兼長書畫  
詩格高老亦明初一作家

題畫

老蚌參天勢欲動古樹錯立交嵒崕清溪雨過生碧雲隔岸  
嵐光入檐重小亭臨水清且漣怪石翠溼苔蘚妍倚欄讀書  
兩忘言豈應未了黃庭篇

散步至楓林

信步尋春不知遠小逕委蛇繞平巘雨餘翠滑石磴危青梅  
如豆低垂枝屋上青山壓簷重風裏幽禽時一弄主人不歸  
柴門關山犬認人自迎送花落鳥啼白日閑依微機杼鳴林  
間徘徊不覺歸來晚淡黃落日啣空山

登子陵釣臺有感

清曉扁舟維岸陰百年幾渡來登臨遊人仰扳石磴險飛臺  
俯瞰滄波深客星帝座一時事江水雲山千古心哲人去矣  
不可見擊劍空作秋龍吟

歸故宅

曲曲清溪來往頻故園又得見先春筍穿舍北竹繞屋梅倚



明詩紀事卷十五  
墻頭花笑人泉石幾家供客眼江山萬里暗兵塵由來軒冕  
多翻覆澗水松風未是貧

上江山中卽事

山上青山樓上樓結樓高下倚林邨通幽一逕苔蘚滑壓檐  
四山空翠流松梢滴露作疎雨嵐氣入簷生早秋我來暫下  
陳蕃榻一洗生平今古愁

至楓林登東山樓有感

樓隱喬林白日長桂花不斷四時香山蒸嵐氣作朝雨竹引  
水風生晚涼身在豈應愁計拙興來肯復動詩狂東山一爲  
蒼生出贏得人間話幾場

上巳日苦雨寄汪彥暉

三月三日苦泥濘春遊無計令人愁雲低暮色近垂地風捲  
濤聲遙撼樓青天白日定何所急雷轟電方未休最憐桃李  
花開處雨橫風狂不自由

題琴趣軒卷

淨几鑪煙晝靜小齋花氣春酣莫作商聲秋調鶯啼三月江  
南

泛舟嚴陵

雨聲徹曉收不住船頭水高三尺強只須多買威平酒中流  
擊楫歌滄浪

楊妃上馬圖

錦鞵銀鞍映綺羅開元猶是舊山河海棠春暖嬌無力寫向

生綃恨轉多

墨菊寄方山程德明

方山處士別我久每挹高風晚節香賴此鷺谿三尺雪寄君  
日日作重陽

竹枝詞

二首

郎心恰似江上蓬昨日南風今北風妾心恰似七寶塔南高  
峯對北高峯

茜紅裙子縷金紗多在湖船少在家黃衣年少不相識白日  
敲門來索茶

鄭潛

五首

潛字彥昭歙人元季爲泉州路總管洪武初除寶應

初召拜禮部侍郎以親老辭歸再徵爲溧陽教諭有

樵海稿

田按邢子愿云前代拓帖墨後微以駱駝油少澤之其光可鑒而無卵清醪粘氣文仲送殷孝章之咸陽詩云故國已消龍虎氣斷碑猶打駱駝膏入詩頗新

花遊曲

館娃宮裏春迷濛雜花芳菲嬌亞風油壁香車度花裏笑解  
珠纓被春水水邊小艇忽到門鱗鱗綠濺金鵝裙尤雲帶雨  
踏歌步春風喚愁花下墓流光去去不復來縹酒且進芙蓉  
杯鷓鴣珠串落碧瑛椀鳳槽聲催紅玉板宴遊未終山日西柔  
纖捧硯索新題風流文采矜林使肯數玉人裴十四宮中分  
散五雲箋更賜一曲曉山篇

六視齋筆記至正戊子三月十日會稽楊維禎同貞  
 居張伯雨諸人遊石湖有侑者瓊英與坐各為花遊  
 曲一章詞情美麗實一時之盛莫氏修石湖志乃以  
 為穢而去之文太史徵仲深為惋惜特作蠅頭細書  
 錄成卷仍為補圖留作山中故實余謂志不若托於  
 人之意修改不常如此瑰璋之詞托於志不若托於  
 太史之寶圖名翰為不朽余其詞一錄之  
 田按竹嬾所錄者楊維禎顧阿瑛郭翼袁華馬磨陸  
 仁秦紉于立並徵仲竹嬾追和之作今僅綴鐵崖原  
 唱及袁文李三詩於文仲後鐵崖詩云三月十日  
 春濛濛滿江花雨溼東風美人盈煙雨裏唱徹湖  
 煙與湖飛水天虹女忽當門午光穿漏海霞裙美人  
 凌空躡飛步上頭小真墓華陽老仙海上來五  
 湖吐納掌中杯寶山枯禪開茗椀木鯨吼龍催花報  
 老仙醉筆石闌西片花飛落粉題蓬萊宮中花報  
 使花信明朝二十四老仙更試蜀麻箋細寫春江花  
 月篇子英詩云煙雲撲霧搖空濛遊絲弱絮紫柔風  
 木蘭載春石湖裏手弄瓊英羽春水鐵笛仙人招羨  
 門鸞旌小队青霓裙凌波雙飛動微步冶情漫憶鴛  
 鴦墓踏青拋鼓能幾來便須一飲三千杯血色葡萄  
 凝水枕鬱袍催徹紫牙板雲旗縹緲青鳥西口啣紅  
 巾絨舊題瓊林宴中探春使散子遠巡賜緋四醉攜

漁莊欵歌

翠袖寫銀箋不數公子花遊篇徵仲詩云石湖雨歇  
 山空濛美人卻扇歌迴風聲宛轉菱花裏鴛鴦飛  
 來天拍水當湖上伯醉雲門酒痕翻汗石榴裙遺蹤  
 無復芳塵步湖西藕絲薦冰椀蛺蝶穿花逐歌板  
 載風流付一杯雪藕一段春光屬品題傷心不見催花  
 夕陽剛在畫橋西一段春光屬品題傷心不見催花  
 使只有黃鸝嘯再四無限春光屬品題傷心不見催花  
 霞篇竹嬾詩云笑倚吳娃唱紫濛十尋錦纜石湖風  
 蘭橈雪腕煙花裏屬玉飛雙照水水晶宮殿花壓  
 門纖句感煙花裏屬玉飛雙照水水晶宮殿花壓  
 香墓凝眸卻扇花片來輕紅縹綠浮春杯玻璃百圾  
 青瑤梳鏡笄廚開矜玉板海月吐東湖捲西琵琶重  
 撥潯陽題箋勞絮絮新春篇  
 悉付研光箋勞絮絮新春篇

公子漁莊秋氣高灣灣野水曲塘劫隔林月出車輪大照見

花間翡翠巢

金菊粉蕖秋水濱恰如生色畫屏新蕩舟直過紅橋去小隊

遊魚不避人

桂彥良 二首

彥良名德稱以字行慈溪人元進士為包山書院山  
長改平江路教授洪武初徵授太子正字尋為晉府  
右傅改長史追贈編修諡敬裕有清節清溪春和詠  
言山西挂笏老拙和陶中都紀行等集

送田仲茂宰西川

天門傳制拜新除西入成都萬里餘江上好風吹去棹邑中  
故老候來車巴園五月收丹橘丙穴三春饌白魚卻憶文翁  
遺化在何因公暇說詩書

靜志居詩話長史以德望重韻語非其所長然如巴  
園五月收丹橘丙穴三春饌白魚亦小有風致吳江

史明古為作傳稱孝陵嘗咏蝌蚪云池上看蝌蚪分  
明古篆文命長史續之應聲曰惟因藏水底秦火不  
能焚可稱敏絕

送顧謹中少尹赴荊州

曾讀皇明混一篇煥如霞錦濯晴川長才合置鸞坡上秀句  
新傳鳳榻前斗邑為丞資薄祿扁舟奉母念高年艱難自少  
今成立未必哦松讓昔賢

田按謹中皇明混一頌頗有時名解大紳云臣縉近  
奉內廷獲觀所御書籍見其題曰顧祿詩集二編此  
詩秀句新傳鳳榻前當即指此事也

范準 二首

準字平仲休甯人洪武中以明經舉為休甯訓導擢  
吳堡知縣遷工部主事有齋甕悉白何陋軒西遊諸

稟

無腳雞 有序

山行見田家伏雌無腳鼓翼而行詢之晨牝也戒其

家烹之賦此紀異

羣雞唱罷山月落一雞峩冠卻無腳  
膈膈膊膊轉雌聲乃與雄雞相對鳴  
有翎飛不高無足胡能行徒為牝晨禍  
家庭羽毛之孽何由生氣淫運乖非祥  
禎德輝之鳥翔千仞安肯下食共爾相  
喧爭

題小畫留別韓文忠二尹

夜來夢到吳塘路月冷霜寒白雁啼  
今日題詩看畫處隔江山色是淮西

朱模 一首

模字子範休甯人官六安州判洪武三年捕賊遇害

有白沙行藁二卷

宿羊舌城

舒蓼皆侯國春秋用甲兵晚炊投野店  
日落弔荒城古渡漁燈滅陰房鬼火明  
愁來不成寐欹枕聽雞鳴

方時舉 三首

時舉初名槐又名樸以字行莆田人洪武初官興化

訓導有方壺集

田按閩中有壺山文會初會九人宋貴誠方樸朱德善邱伯安蔡景誠陳本初楊元吉劉晟陳觀續會者十三人陳惟鼎李蕊郭完陳必大吳元善方炯鄭德孚黃性初黃安陳熙方坦葉源中釋清源月必一會

賦詩彈琴清談雅歌以為樂余始見福建通志有方  
樸等壺山文集速檢鄭王臣莆風清籟集而其事  
始詳凡與會者共二十二人錢牧齋列朝詩集稱郭  
完元末隱于壺山與方時舉等十二人結社王臣譏  
其失考以閩人考閩事此固其專長耳壺山會中詩  
多雅音以較十才子詩不多讓也時舉有莆陽人物  
志福建通志既錄方樓莆陽人物志二卷此後又有  
方時舉莆陽人物志二卷歧為二人誤矣

普覺堂

普覺有何好秋來事事幽風檐落相子榕葉覆溪舟隱几山  
當戶翻經月到樓誰為姑射牧茅屋隔滄洲

和陳廷中避地南泉

思君時復上寒岩十月林巒尙翠嵐溪竹裁成綠玉杖石橋  
拄過白雲菴客懷最與山僧似時事難從野叟談卻憶當年  
杜陵老卜居正近浣花潭

會日懷雪巢石溪二君卧病

年來自覺親朋少今日相逢白髮多風雨棲遲一樽酒令人  
長憶病維摩

陳觀一首

觀字莒峯莆田人洪武初以薦官陝西右參政有輟

耕吟稿

鄭王臣蘭陔詩話莒峯應召至京朝謁太祖願問曰  
彼長而哲者何人莒峯出對試以王猛捫虱論稱旨  
授陝西右參政在官以清介聞朱竹垞云洪永間有  
陳觀獨不及莒峯偶失考耳莒峯少預壺山文會  
詩有唐人風致

與方履道會陳岩紫雲蘭若是日方用晦釋清源諸人  
有事不赴並懷之

明詩紀事卷十五  
佳侶往何所遠渡溪之許齊攀仙巖雲共宿瓊樓雨素琴奏  
梅花清歌發白紵獨懷山下人無由共芳醕

劉晟 一首

晟字性存莆田人洪武中以薦官南陽知縣

田按性存入壺山文會詩最傑出惜不多見

真率會

炎靈運元化衣冠集芳辰  
儻儻斯達尊濟濟凡七人  
琴瑟既在御豆登亦復陳  
旨酒式燕樂太羹薄肥珍  
登歌間行葦稱觴壽千春  
德將諒無醉既醉不失真  
陶然宇宙間蟪蛄焉足論  
光風泛蘭蕙好鳥鳴及晨  
江漢日云遠道義日益親  
覽圖百載下安得風再瀉  
願言繼遺響遙睇洛水濱

賀守約 二首

守約字禮齋永新人明初薦授永新教諭改光山有  
禮齋詩集

永新學署有感

一曲鏡湖在衣冠六百年  
家貧無負郭世守有殘篇  
竹下紉蘭佩雲根漱菊泉  
相期歲寒在梅石共清堅

遊禾山龍門溪

秋山蒼翠接空冥七十一  
峯如畫屏雁塔遺基藤蔓紫  
龍門題墨蘚花青幾從石上  
看棋局仍向雲間劬茯苓鶴  
隴幸容孤迹在天書何事又  
巖扃

龍玉泉 一首

玉泉字雲壑永新人明初舉賢良方正官知縣

題南臺

秋松落層陰秋水蕩寒碧一曲紫瑤琴空山暮天寂

文魯麟一首

魯麟字東魯永新人元至正丁亥鄉舉洪武初舉賢

良官永新學正有荀峯集

七馬圖為貢叔英題

吾聞渥洼水接銀潢碧產此八駿無人識當時周滿欣得之  
要令四海皆轍迹就中一匹真奇絕從駕不受黃金羈一朝  
逸去收不得飄忽雲霄攢四蹄其餘七匹皆神駿一一具有  
真龍性五馬渡江一馬隨齧草飲泉筋骨勁一馬振鬣當風

前目光夾鏡尻睢圓攬身正面如人立奚奴敏捷那能鞭玉  
堂學士蕭夫子筆端獵獵霜風起金鑾草制有餘閒寫此驍  
騰世無比中郎愛馬仍愛圖揭來一見為嗟吁致之座右重  
珍惜芸窗把玩時卷舒我今作詩為題品不見驊騮空見影  
安得若此毛骨千萬羣掃空沙漠清龍庭

杜隰一首

隰字宗原松江人洪武初官贊禮郎使緬還擢禮科

給事中有雙清集十卷

王昶青浦詩傳明初南緬不庭宗原奉詔撫之緬人  
馳金帛而求題詠者車滿郵亭歸而達諸朝太祖為  
製御序

懷古

月寺記事卷十五

九



吾愛陶彭澤蕭然遺世姿高情託雲鳥苦節寄東籬饑驅時  
出戶酌酒卽成詩五男俱用晦三徑獨透池門種先生柳卧  
與羲皇期斯人悵已矣清風良夜茲

任原 一首

原字本立休甯人明初以武功歷官至顯武將軍雄

峯翼管軍萬戶有集

田按明初休甯文士以武功顯者有任本立原俞子  
茂榮子茂鎮禾川有威惠其平符溪凱旋馬上作云  
挈壺歡逐民連野策馬歸來雪滿身雲陽李祁和之  
且為之序云禾川有符溪者既服復叛公破其寨縛  
其渠魁誅黨惡數十人平民縱遣還舍諸羊雞犬悉  
令認辨給還民大欣悅公既還府賓作威集獨留儒  
學士十數人列燭張宴坐中口占馬上所得詩眾賓  
咸和乃緝成卷僕從眾賓之後和之日溪橋石路不  
生塵幕下初聞號令新士卒銜枚衝夜雪將軍橫槊  
賦陽春已擒渠惡從梟首未死么麼許乞身德意已

孚威力著愧無椽筆紀蒼氓子茂文采不及本立因  
錄本立詩附見其事於此

### 送舒從事還南海

老逢離別倍傷情一騎臨秋復遠行客路驚心孤雁影家林  
入夢斷後聲珠崖落日天低海銅柱雲寒雨過城翻憶舊遊  
多感慨獨嗟書劍誤儒生

王善慶 一首

善慶字士積歙人有秋齋野趣

### 過週流寺

雲埋殿閣週流寺春水衝撞復到山僧納挂枝庭樹老禪床  
堵石洞雲閒久無山鬼吹燈火時有淵龍護法壇我亦長歌  
來徙倚滿襟清思隔塵寰

吳舜舉 一首

舜舉字士源歙人洪武初以耆儒舉授徽州教授有

石溪吟藁

寄涪安徐大年

歙南山去一百里秋盡春來信不聞昔日登樓同聽雨今年  
幽谷飽看雲管甯豈是遼東客伯樂曾空冀北羣安得俗塵  
長謝卻挾書林下共朝暉

黃思永 一首

思永莆田人洪武中官福安教諭

老圃書堂

瓜地書廬僻柴門闕碧流波光搖席冷山色入簾幽琴撫聽

黃鵠樽開近白鷗芳鄰有如此宜爾賦歸休

蔡景 一首

景字元昶江陰人徙居松江

贈略道權上人

客邊相見雪盈頭蓬底談詩紀昔遊百里雲山黃葉寺十年  
鷗鷺白蘋洲雨花風暖香生座梵唄風清月滿樓昨夜南湖  
秋水漲浩歌又上木蘭舟

柯欽 一首

欽字叔敬莆田人洪武中官興化訓導有采薇集

蘭陔詩話欽自號深隱老人詩源出晚唐其七言如  
空城落木羣鴉噪斜日西風瘦馬行亦高唱也

覽岡仲旅吟藁有感

故里歸來夢寐空客懷偏在苦吟中三年枕畔梧桐雨一夜  
江頭杜宇風日暮荒阡松樹綠春深廢圃海棠紅朱甍碧瓦  
輸時世粉蠹差差過屋東

伍衡一首

衡字時敏莆田人洪武中官增城知縣

蘭陔詩話前輩稱時敏歌行麗縵奇崛有溫李遺意近體充瞻英美惜其集散佚不傳

和連汝信

習靜幽齋絕外思景清情曠兩相宜風薰花氣晴侵夢雨漱  
溪聲寒入詩魚近碧闌人狎見鹿眠香芷客來疑時時懸榻  
需君至此興旁人未必知

王子魯一首

子魯自號笙鶴道人高唐人洪武中官河間教授

馬灣曉月

古河一曲環爵隄天光滉漾浮玻瓈漁翁待旦掉船去白鷗  
飛過黃蘆西

黃孟良一首

孟良名德貴以字行莆田人洪武中徵辟授松陽主簿擢知縣有老圃居士詩稿二卷

九鯉湖

人已昇仙鯉化龍伊誰湖上構仙宮石遺丹鼎潺湲裏煙鎖  
樓臺縹緲中青鳥去來猶夜月碧桃開落自春風此行非爲  
邯鄲夢擬向橋頭問石公

蘭陵詩話孟良洪武三年被徵以不識字辭仇家上其九鯉湖詩械繫至京太祖覽詩稱善即日除官亦云厚幸後竟坐事謫戍

余師孔 二首

師孔字愚軒莆田人洪武中官興化訓導有文安集二卷

山居偶興

結屋深山中  
山深四時樂  
幽居不記年  
只看花開落  
扶筇來石室  
空谷絕人行  
不辨入山路  
惟聞啼鳥聲

徐松 一首

松字喬年上虞人洪武中福建按察僉事

擬孟浩然永嘉上浦館逢張八子容中官所問遊詩

逢君懷往事對酒話多時  
荒館天涯夢殘燈醉後詩  
沙城臨海國人語雜蠻夷共歎浮蹤遠相看但莫悲

彭友信 一首

友信字以實攸縣人洪武初貢生召對稱旨授北平布政使有方伯集

宋丞相文文山三月三日獄中遺墨

崖山雲寒海舟覆六載孤臣老  
幽獄東風嘯鳩三月三五陵  
望斷春蕪綠長帆昔挂秦淮船  
手持一柱擎南天閒關嶺海  
血灑檄回首家國如飛煙  
六宮粉黛黃沙裏漢火無光吹不起  
全軀肯學褚淵生嚼舌甘爲杲卿死  
落花上巳風雨時展卷如對麟鳳姿  
再拜酌公金屈卮有口不讀蘭亭詩

王瑄 二首

明言紀事卷十五

瑄字汝器長洲人立中子洪武中吏部主事

田按洪武時有兩王瑄一字汝器長洲人一字宗器

長山人洪武實錄六年正月甲寅以舉人張惟王輝

李端張翀為翰林院編修蕭韶為祕書監直長繼又

以王瑄張鳳任敬馬亮陳敏俱為編修是時天下舉

人至京太祖欲造就其才擇其年少俊異者皆擢編

修賜冠帶衣服令入禁中文華堂肄業詔太子贊善

大夫宋濂等為之師濂集有王宗器字辭云王生瑄

字宗器其先太原人今家濟南之長山洪武五年以

易經舉進士山東名列第三既上南宮未試皇上召

見便殿親命題賦詩成稱旨擢史館編修入文華

堂肄業詔翰林老臣為師近又使瑄攝御史廉察河

南歸奏對稱旨錢牧齋列朝詩集錄汝器詩誤援宗

器事敘入仕履云洪武壬子以會試舉子簡授編修

肄業文華堂後為吏部主事蓋不知山東別有一王

瑄牽合為一踏駁可晒又黃瑜雙槐歲抄敘文華堂

肄業事云水東日記以王瑄為姑蘇人蓋誤則誤又

不自牧齋始矣宗器有醉學士歌余已錄附張唯詩

春日過溪山訪良夫先生

伊余蹇世用野性遂成疾欲追故人蹤忘此山水癖茲晨屬

休暢曳杖窮閱歷愒息嘉樹林逍遙美泉石洞庭縱矚覽鄧

尉屢攀陟平湖汎晴波青苔印行迹靈霄曠清溪煙霞閉幽

寂愛茲風日佳樂與禽鳥得宛彼二三友獲此竟晨夕興盡

復言旋賦詩寫良覲

近過山中耕漁軒得相款曲登覽之餘兼辱庖廚之擾

言笑啟沃深慰夙昔歸坐茅屋唯有馳戀而已輒賦

五言奉寄

佳會良不易清遊踐前期留連閱信宿登眺自無時山川有

餘覽風物良足娛感子情誼篤具饌揚清卮高軒過疏雨水

木澹晴輝列坐盡羣彥言笑一解頤心目共開豁神思亦忘  
疲歸來青山下相望如渴饑宴坐白雲裏與世終永辭

徐裕一首

裕字用貴上虞人洪武中高羅巡檢

武陵泛舟

移棹武陵路桃花澗水分人家春鳥樹樵唱暮山雲沙渚飛  
鷗鳥溪田過鹿羣到來機事息不道世紛紛

徐禮一首

禮字用和上虞人洪武中孟縣主簿遷縣丞

渡荆門望楚

亂峰前路迴旅況正紛紛落日荆門望青天楚國分荒城迷


郢樹孤棹入蠻雲誰念天涯客西風見雁羣

陳山一首

山字伯高上虞人洪武中瓊山知縣

竹枝詞

桃葉扇寫竹枝歌搖曳清江照翠娥夾岸芙蓉秋水闊薄暮  
雲生愁思多



明詩紀事卷十六

貴陽陳田輯

藍仁 十六首



仁字靜之崇安人明初徙濠尋放還有藍山集六卷

杭世駿榕陰詩話二藍集閩人無知者何氏閩書藍  
仁有藍山集藍智有藍潤集竹坨嘗輯入詩綜以爲  
十子之先閩中詩派實其昆友倡之集本刊有刻吳明  
經焯嘗於吳門買得藍山集是洪武時刊有刻吳明  
築二序與竹坨言藍合而藍潤集究不可購徐惟和  
輯晉安風雅時二藍關焉則此集之亡久矣  
陸心源儀顧堂題跋藍山詩集六卷明藍仁撰前有  
正統二年丁巳秋八月朔嘉議大夫禮部左侍郎陳  
璉序洪武庚辰歲花辰日武夷文西禮部左侍郎陳  
文序雲松樵者張榘序橋山真逸易序計詩六伯  
八十餘首藍潤詩集六卷明藍智撰題曰友生程嗣  
祖奇遠編集前有至正壬寅冬戊子進士戶部尚書

明詩紀事卷十六

西夏張昶序張集題蔣易序計詩五百餘首案兩集  
明正統以後無重刻本故流傳甚少乾隆中開藍  
庫館亦無人進呈館臣從承樂大典抄出著錄於藍  
山集得詩五百餘首藍澗集得詩三百五十五首  
明刻原本抄出藍澗集得詩一百五十餘首較大典  
集多得詩一百五十餘首刻二集不言所據為何本  
近閩中郭兼秋主事重刻錄之數相符合當即大典  
無原序核其詩與提要著錄之數相符合當即大典  
抄本也藍澗集誤收樂澗詩五十餘首藍澗集誤收  
藍山詩三十餘首永樂大典纂修諸臣草率之故  
之誤乃永樂大典纂修諸臣草率之故  
田按竹垞稱藍澗詩五儀顧堂題跋所謂郭氏新刻藍  
初集誤刊正而陸氏儀顧堂題跋所謂郭氏新刻藍  
山宿田家望武夷山宿橋山田家懷蔣先生暮宿田  
士宿田家望武夷山宿橋山田家懷蔣先生暮宿田  
家正月十四日西山感興風雨不已簡我同志暮秋  
懷鄭居貞西山暮歸歸山感興風雨不已簡我同志暮秋  
畫楚江春曉圖贈魏士達諸詩竹垞詩綜均錄作藍  
山詩正與郭氏本一相合大抵郭氏所據之與竹  
庫本與竹垞所見之本相同陸氏所得之本又與竹  
垞所謂選家誤有參錯之本相同各據所見紛如聚  
訟今亦不能定為誰是非也惟陸氏本藍澗山集多

有倪文伯序藍澗集多有張昶序又二集詩各多至  
百五十餘首此亦足廣異聞耳藍澗山骨格老蒼藍澗  
音節高亮二人亦力各不相下余錄明人之兄弟稱  
詩者當以二藍為開先矣

余復嬰近以方壺所寫大王峯轉惠暇日展玩殊有幽  
趣因題長句

方壺畫山世有名生紙一幅塗縱橫孤峯倚天旭日上危石  
拔地秋風生壯遊會來拾瑤草夢裏武夷青未了紫陽五曲  
石門荒金老三間茅屋小興來放筆起層巒萬仞嵯峨咫尺  
間龍洞雲煙含宿雨鶴壇星月滿空山武林道士余三一來  
榻松根講周易十年不出鬢垂絲九轉將成眼如漆新圖千  
里寄神交東南一柱青天高願授神方服石髓共聽仙樂鳴  
雲璈開窗持贈深有意念我衰年住污世便欲呼兒挽鹿車



從此相隨入蒼翠

寄張雲松

關塞風塵暗山林出處難生涯謀釣艇世事笑儒冠有酒判  
長醉無衣度若寒南山有奇士扣角夜漫漫  
題吳德陽山水小影  
雲山分遠近水石助清幽老眼看名畫深懷似故邱草迷行  
鶴徑藤引釣魚舟賣藥忘機者無人識百休

病中

卧病秋將盡艱難日又增夜深方著枕戶遠更留燈鄰畏呻  
吟近僮來扣按能有身應有患空寂未如僧

代毛生答

浮世容身狹韶光過眼非瓦盆盛社酒榭葉製秋衣禮節休  
拘束漁樵乞放歸前林逐麋鹿未與素心違

九日西莊懷弟

衰年無力遠登臨短杖扶持叩竹扃雨過林間雙澗碧雲消  
天際一峯青黃花寂寞繪詩瘦白髮淒涼畏酒醒心把茱萸  
思骨肉雁聲孤起夕陽汀

雪中偶成

背郭茅堂早閉門天寒獨戀緼袍温琴書散漫無賓客稼穡  
艱難有子孫竹杖稍能扶病力梅花強欲惱吟魂蹇驢踏雪  
如堪借行盡溪南數里村

春日憶章屯故居

衰年長愧北山靈春日題詩憶翠屏茅屋也從人借住柴門  
不爲客來扃林陰嵐溼藏書架爐冷苔侵煮茗瓶惆悵閒窗  
中悅在孤墳宿草已青青

題西山菴

空山寂寞守巖扃獨鶴棲棲傍草亭曉鏡又催霜雪白秋衣  
不換菱荷青仙人住處多栽藥野老來時或負苓同氣雕殘  
衰朽在百年光景似晨星

送貢祕書入京

滄海樓船衛百靈祕書領旨赴朝廷近開東觀延卿月舊人  
南閩識使星一代文章推大手百年禮樂抱遺經蓬萊不許  
凡人到空想藜光夜夜青

次雲松長山道中

人煙蕭索石田荒茅屋低斜倚礪岡雪裏送租衝虎過雨中  
乏食學蠶彊三丁編戶衣裝急百斂沿村土木忙懶共老農  
談世事自搔短髮對斜陽

賦網巾

白頭難掩雪霜蹤纖手穿成絡索同映帶暮年微矍鑠遮藏  
秋色久鬢髮牽絲祇訝蛛臨戶覽鏡翻愁鶴在籠便與黃花  
相見好不愁破帽落西風

靜志居詩話網巾之制相傳明孝陵微行見之於神  
樂觀遂取其式頒行天下冠禮加此以爲成人三百  
年未之改然題詠者寡獨藍靜之有三詩子錄其一  
焉其二詩謝劉蘭室見惠而作一云故人於我最相  
親分惠青絲作網巾鏡裏形容加束縛眼中綱目細  
條陳少遮白髮安垂老轉襪烏紗障俗塵更與籜冠

藜杖稱世間還，有葛天民一云。故人念我鬢毛疏，結網裁巾寄敝廬。白雪盈簪收已盡，烏紗著紙畫難如。門臨寒水頻看鏡，籬掩秋蓬又用梳。昨日客來應怪問，衰年欲變少年餘。  
宗室恆仁，月山詩話。朱竹垞云：網中之制，相傳明孝陵微行見之。云云獨藍靜之有詩：余觀謝宗可咏物詩，有賦網巾云：篩影細分雲縷，滑棋文斜界雪絲乾。蓋元時已有之矣。

寄明之弟

秋風長作客南望，一沾巾茅屋生春草。歸來相對貧

古木蒼藤圖

風雲氣質雪霜蹤，獨立空山慘淡中。慚愧藤蘿爭附託，年年春色換青紅。

和雲松雪中 二首

夜雪茅簷積漸高，傍林時聽折危梢。南山石上雙松樹，莫更

動搖仙鶴巢

亂來雙鬢俱成雪，對雪疑窺鏡裏顏。明日春風消釋盡，祇留鬢影對青山。

藍智 三十八首

智字明之，仁弟。洪武中用薦授廣西按察僉事，有藍

澗集六卷

四庫總目：藍智詩清新婉約，足以肩隨其兄。五言結體高雅，儵然塵外，雖雄快不足而雋逸有餘。七言頓挫瀏亮，亦無失唐人矩矱。永樂中辟為廣西僉憲，與兄筆精武夷，藍明之名，智永樂中辟為廣西僉憲，與兄布衣靜之，齊名詩詞，俊逸雅有唐風。嘗見其書銅雀臺瓦詩於建陽友人處，可泣鬼神。詩云：曹瞞騁志吞劉社，銅雀臺高瞰中夏。徒知扼腕有卧龍，豈料垂涎已司馬。萬里河山尚出師，九原魂魄歸何時。清秋風雨滿陵樹，落日笙歌空總樵。惟翠蛾紅袖，恩情絕廢塚。荒臺狐兔穴，空餘片瓦落人間。千載奸雄磨水滅。

明三十家詩選明之五律老成鎔鍊卓然長城殆駸駸欲度哲兄前矣

田按藍澗集四庫錄本僅三百餘首余所得藍氏刻本多百餘首前有張昶序與陸氏儀顧堂本同昶

序云崇安藍明之長於詩古彷彿魏晉律似盛唐長句豪健五言溫雅昶作序在至正壬寅當元時已名

重如此明之集中有贈張尚書四十韻即贈昶也藍澗佳什琳瑯滿目詩綜所錄寥寥特備錄之以補其

缺杭董浦謂二藍集閱人無知者殊不然曹石倉明興詩選錄二藍詩至二卷蓋曾見全集者明之為廣

西僉憲在洪武十年徐氏筆精謂永樂中辟為僉憲誤矣

述懷

煩憂不自整出門欲何之遙登西北邱悵望滄海涯興隨積水極心與浮雲馳喬木無留葉流光去如遺昔感倉庚鳴今聆蟋蟀悲諒非金石軀齒髮日夜衰斗酒呼良朋為樂當及時聖賢不得志空言竟無施徒有千載名寂寞何所知

飲酒

鳳凰翔千仞鷦鷯巢一枝達士志常高鄙夫懷其卑富貴雖所願貧賤亦所宜聖賢有中道千載誰與期采采東籬菊畦畦南山芝我酒日已熟我杯時一持醉來望白雲朗詠貧士詩

廢井

靈源洩陰岑古磬涵清樾波濤逗海眼疏鑿當山骨陰凝龍蛇氣冷浸鼉鼉窟餘潤滋稻梁清涼颯毛髮豈知陵谷移泉源有壅遏非無涓滴流竟為泥沙汨莓苔空青青鼃黽日相聒轆轤卧枯桐迴首腸內熱况當朱鳥中炎風毆旱魃我圃就焦枯嘉蔬幾生活憑軒望雲雨神物竟寥濶安得神禹功

於焉引溟渤當令顛涯人自此無饑渴

題黃道士仙巖茅屋圖

仙巖正窈窕茅屋何蕭爽道人日暮歸瑤草春來長雲氣自舒卷鳥鳴時下上渺渺武夷君千峯入遐想

廬山

何年李謫仙讀書石床下雲巢雙青松秋色正瀟灑時登五老峯獨酌壺中春舉杯問淵明誰是羲皇人鸞鳳望赤霄蛟龍卧空谷蒼崖漱飛泉欬唾成珠玉顛倒雲錦袍酣歌漫揮毫文光一萬丈更比廬山高一落五湖上秋風怨華髮千古不歸來長庚夜如月

暮經零陵望愚溪懷柳司馬

湘川入零陵百里盡崖石野曠生夕陰山空澹秋色緬懷柳河東微宦曾遠謫才名一代雄文藻萬人傑朝游愚溪水暮返愚溪宅當時嘯歌地千古仰遺迹草木含清芬山川曜潛德鼓泄下中流江清月華白

忻城公館

清暉抱迴洲密竹何瀟灑雖有公館名頗類村居者茅屋三四家寂寞無車馬縣官坐堂上猿人立堂下風俗自強獷衣冠眞鄙野俾之知逆順責在任民社慎勿示姑息善政資陶冶疊嶂不易青臨風獨悲咤

舟中望長洲田家

積流會澄川浮沙互長洲上有嘉樹林下有良田疇漁樵自

成村桑麻翳榛邱犬吠林巷深鳥鳴田舍幽落日負耒歸涼  
颺蕩輕舟斯人亦何者樂哉以優游羈懷迫道路悵望徒淹  
留

送閩縣史邱子脩回三山

我昔南遊訪蓬島越王城郭生芳草釣龍臺下晚潮空道山  
亭上秋風早朱樓綺戶歌太平邊塵不驚河水清祇將六籍  
論經濟何用萬里求功名豈信流光不相待風景未殊人事  
改羞將藥裹對青山獨向雲林望滄海浮邱之子黃鶴姿羽  
人曾作滄海期醉持瑤草渡弱水笑接白雲來武夷昨朝別  
我三山去卻憶當年舊遊處世事悠悠西浦波愁心歷歷洪  
塘樹人生行樂在青春出門四顧多煙塵少年裘馬誇意氣  
自古文章難致身山川蕭瑟年華晚季子貂裘雪霜滿扁舟  
何處夢相思日落江空雁聲遠

相逢行贈徐剛中之建甯兼柬黃彥美總帥

去年逢君紫霞洲今日逢君滄海頭逢君處處好顏色歎我  
年年長作客被褐昂藏七尺軀蟠胸磊落五車書姑蘇臺北  
曾走馬越王城南還釣魚看花夢想揚州遠采藥歸來杏林  
晚堂上慈親鶴髮長堵前幼女鵲衣短見君雖貧不解愁結  
交盡是豪俠流侯門咫尺恥干謁客路尋常歌遠遊我亦扁  
舟滯江浦握手相看總羈旅千年龍劍蝕塵泥三月鶯花老  
風雨明日洪塘又送君離亭詩思正紛紛黃壚有酒莫漫醉  
待余同擬梅仙雲

丹崖歌崖在大花灘之上西去零陵五十里望之若雲

錦然

斷崖千尺雲錦懸芙蓉薜荔搖空煙珊瑚鐵網相鉤連赤豹  
下搏蒼龍淵旁有石穴疑可穿洞門深鎖朱陵天我欲徑入  
求神仙丹光出林夜赫然紅葉如雨墮我前青鳥飛去何時  
還我方持節西南偏石壁有路無由緣赤松黃石書可傳桃  
花一笑三千年

老君洞

混沌始鑿開玉融瑤臺隱映青芙蓉下有洞穴如崆峒玉樓  
十二高玲瓏丹崖紫氣浮空濛何年玄元降其中伐毛洗髓  
遊太空遺形歲久金石同元精變化不可窮龐眉皓首成老

翁玉局儼坐神霄宮獅子前導猿後從幡幢飄飄羽蓋重海  
月照見香爐峰寶劍倒挂蒼精龍石梁懸瀑聲淙淙我來飛  
雪當嚴冬瑤草凝碧桃花紅花開一笑雙玉童授以錦書石  
髓封道言五千方擊蒙竊兮冥兮道之宗無爲自然成汝功  
谷神玄牝翁以通壽命天地相始終吁嗟小臣等蟻蠊上帝  
有敕按疲癯萬里馳驅雙鬢蓬人間歲月苦匆匆投簪未暇  
巢雲松白鶴飛去天南東長歌林谷來清風

春日憶延平舊遊寄嚴漢材

疎雨溪南寺青春劍外天維舟思別日覽鏡惜流年羈旅今  
何適微官亦可憐乾坤一杯酒出處共茫然

藍澗草堂

翠微春雨潤虛白野堂清道士留丹訣鄰僧問藥名龍歸時  
化劍鶴過夜聞笙亦是忘機者真堪托此生

聞藍山兄寓滁州

番水初傳信滁山想定居秋吟兼蟋蟀晚飯得鱸魚落月滄  
江濶涼風白髮疏兵戈關塞隔不敢問何如

山中漫題

讀書期有用閉戶恥無能落葉空山雨疏鐘獨夜燈人稱樗  
里子住近石門僧靜坐觀詩妙須參最上乘

秋日遊石堂奉呈盧僉憲

荒郊通徑僻野竹閉門深白日羲皇世青山綺皓心潛蛟多  
在壑宿鳥獨歸林知爾荷鋤倦時爲梁甫吟

雪後舟泊武夷

泊舟青嶂下回首翠微間殘雪孤村樹歸雲何處山石門無  
犬吠松徑有僧還書劍嗟漂泊山林未得閒

建溪

建溪三百里勢若建瓴奔石觸波濤惡山連霧雨昏蛟龍餘  
舊窟豺虎但空村行路難如此生涯未敢論

懷川晚立

清川繞縣衙小立共汀沙暝色催歸鳥春愁對落花江湖頻  
戀闕風雨更思家出處成何事惟添兩鬢華

恭城縣

十室黃茅邑千峯紅葉村喧卑蠻俗異質樸古風存雞犬連



猺洞牛羊到縣門殘年歷荒徼遙布聖明恩

晚立懷友

野曠行人絕林空墮葉聞客愁當落日詩思入寒雲草暗防  
蛇毒山昏過虎羣梅花萬里道歲晚正思君

旅寓

旅寓真如此空堂思惘然秋聲一葉下暝色數峯連涉世方  
知命清心已悟禪鏡中窺短髮蕭颯感流年

柳城縣

青山入縣庭小邑但荒城竹覆茅茨冷江涵石壁清草蟲當  
戶墮水鳥上階行問俗知無事松風一舸輕

賓州九日作

三年頻客路九日又賓州野圃黃花晚空江白雁秋無錢從  
止酒有賦倦登樓迴首關山遠蕭蕭落葉愁

幔亭峯

兩崖離立陰陰然上有喬木高參天仙家樓臺雞犬靜石潭  
雲霧蛟龍眠漁人樵子時相見水鳥山花亦可憐九曲棹歌  
誰和得千年遺響墮蒼煙

病中作

茅屋黃花共寂寥病容詩思總無聊山童夜靜分松火道士  
天寒送藥苗落木荒陂秋澹澹鳴雞空館雨蕭蕭仙家瑤草  
年年長弱水蓬萊路更遙

泊舟九江

明詩紀事卷十六  
今日泊船九江口昨日泊船彭郎磯木葉風高雁初下蓼花  
水生魚正肥荒城隔浦晴吹角明月誰家夜搗衣南望故園  
秋色晚青山有意待人歸

九月八日巴河阻風答孟原僉憲

江湖萬里喜同遊漫向巴河滯客舟茅屋誰家還白酒菊花  
明日又黃州故園風雨生秋夢上國雲山入暮愁賴有故人  
相慰藉燈前談笑亦風流

封陽驛

官船早發渡頭沙回首東風日又斜千里雲山橫桂嶺一江  
春水漲桃花荒村雞犬臨欹岸細雨鳧鷖傍釣槎南望蒼梧  
煙樹晚鳳韶何處弔重華

宿開建江上懷閩中故人

東風嫋嫋泛鷗波倚棹汀洲近薜蘿江上流鶯疏雨歇天涯  
芳草落花多暮雲尙隔蒼梧野秋興空懷白紵歌離別不堪  
頻悵望美人南國意如何

夜坐憶西山草堂寄彭山人

憶共幽人住石門茅屋日高嘯鳥聞山氣溼衣涼似雨松花  
吹簾輕作雲諸生載酒問寄字野老杖藜談隱文丹砂無成  
頭又白空對青燈愁夜分

寄衡山李中卿

謫仙歸去卧松巢江上飛花送錦袍細寫山川成史記更吟  
蘭杜入離騷洞庭萬頃秋風早衡岳千峯夜月高欲托瑤琴

寄相憶海天清露鶴鳴皋

田按中卿名懋耒陽人與修元史史不詳其事蹟余詳考見貝清江詩後

黃陵廟

虞帝南巡日英皇北望時翠華春不返碧草暮相思萬里重  
湖水空山二女祠沈珠真自惜埋玉竟誰知斑竹流雙淚蒼  
梧隔九疑天涯龍馭遠鏡裏鳳情悲巫雨淒殘夢湘雲靄暝  
姿渚芳迎雜佩波影動靈旗慘淡思韶舞淒涼詠楚辭空餘  
清夜瑟幽怨托哀絲

題湖山秋意圖

白水青山澹澹秋晚涼同醉木蘭舟西風無限江南意楊柳  
芙蓉不解愁

桂林見梅二首

忽見羅浮萬鶴羣水邊林下玉繽紛嶺南自古無霜雪喜有  
寒香壓瘴雲

清池老樹落花稀雪滿山巖獨鶴歸十二樓臺天似水空香  
散作白雲飛

懷山中

久別山中鸞鶴羣清齋自禮武夷君滄江明月扁舟夜渾似  
松窗卧白雲

王沂四首

沂字子與泰和人洪武初徵爲諸王說書授福建鹽  
運司副使以老辭歸有徵君集八卷

田按明初兄弟稱詩者二藍外繆氏壘篋王氏二妙  
錢氏三華一家風雅殊堪競爽壘篋集平陽繆仲琳  
仲占所作也蘇平仲為之序惜今不傳子與弟  
啟詩合為二妙集門人蕭輩所輯子與洪武初應詔  
為諸王說書授福建鹽運司副使以老辭歸劉子高  
有詩送之云萬里金門詔說書一官不拜賦歸歟極  
知聖主恩榮重自信儒生計策疏三月鶯花辭上國  
十年水竹愛閒居暇看逸翮翔寥廓慚愧駑駘駕鼓  
車子與高不仕之節子啟以教官徵為御史殆如藍  
山隱而藍澗仕也集名徵君集一名竹亭遺稿竹亭  
子與別號也

過三顧山

白下水南峙青山多好峯曾攜玉柱杖細看金芙蓉松杉百  
尺圍藤蘿千萬疊爾非盧度仙精神乃相接倏然巖谷底彷彿  
元圃邱履我舊行迹何殊梁家遊松風落松花片片勿輕  
掃更欲三顧樓同君采薇草

謁蘇雲卿祠

古道風沙際荒祠草樹閒崇文今日盛辟世幾時還薄宦真  
餘事虛言頗厚顏翻思徐孺子清節照湖山

度三花嶺

絕壁三千丈荒煙八九家黃茅青草瘴黑質白章蛇橄欖高  
懸子芭蕉倒吐花嶺南一迴首何處是京華

送謝子良驛丞之京

水驛論交舊著名春城分袂若為情空羣奇驥長千里惜別  
流鶯更一聲白下雨收梅子熟清江風過柳花輕歸船暫泊  
應回首五色雲中是玉京

王佑二首

佑字子啟沂弟洪武初以教官舉授監察御史出為

廣西按察僉事改知崇慶州謫和州赦歸有長江稿

五卷

田按子啟與劉子高交分不淺家住龍灣有南園擅  
水竹之勝子高為作南園新成數百竿何年通一徑長  
看竹詩云禁得南園新成數百竿何年通一徑長  
有客來看坐子啟竹林詩云深陪虞管勾幼悅坐王子  
林石床三伏冷池水一春深陪虞管勾幼悅坐王子  
啟南園竹林詩云王子宅前千箇竹拂簷當戶總蕭  
蕭土垣近出青相映池水下通寒不凋上客頻留蒼  
玉佩住人時度紫籟重尋載酒題詩處記取龍灣  
第二橋子啟出知崇慶州子高懷王太守詩云二十  
年來南浦客八千里外錦城仙水邊送別秋風冷馬  
上懷人夜月圓載酒渡江隣往日聽猿出峽定何年  
只今飄泊桑乾曲西望酣歌一問然其謫和州放還  
也子高有大赦後一日聞王太守自屯所攜兒南歸  
詩云故人舊謫和陽戍五月初聞罷種田誰使南山  
歌石爛天教合浦得珠還子啟生平事蹟皆可於子  
高詩一見之竹垞詩話引子啟獄中述懷詩知其

牧崇慶獲罪之由尚未知謫和州屯所一節也因檢  
槎翁集補錄於此

自城陵遣阮庚上桂林侯姪伯貞挈家入蜀

念爾何時見相離七月餘如何千里道不寄一行書老恐妻

孥隔貧憐骨肉疏錦城宜早到詞賦話相如

士贈別裴伯升

清江科第舊名家千里初乘出使槎離別可憐芳草色淹留

又過刺桐花香爐煙底晨趨珮畫角聲中晚散衙歸到柏司

煩問訊相思雲樹隔天涯

錢子正一首

子正名蒙以字行無錫人洪武初知韓城縣有綠苔

軒集六卷

田按錢氏三華集子正及弟子義族子仲益詩也子  
正子義名見徐子元詩談而不及仲益詩綜錄仲益  
詩謂得之秦對巖顧氏梁溪詩抄亦稱得自嚴中允  
繩孫手書本蓋三錢詩始各單行故所見互有不同  
三華集為兩淮鹽政採進四庫本正統中錢公善  
等合刻也提要稱子正字義出處始末均無可考梁  
溪詩抄謂子正名蒙以字行洪武辛亥進士官韓城  
知縣余考洪武辛亥題名錄無子正名則顧氏所考  
亦未確矣如從闕如以俟知者仲益詩別錄入永樂  
朝

贈張伯庭

隱士松間已化仙  
茯苓此日大於拳  
青年有子傳先業  
白髮逢人說後天  
潦倒自知臨暮景  
行藏猶待卜流年  
幾時去訪  
搯機石擬向成都住  
一廬

錢子義一首

子義子正弟有種菊菴集四卷

宮怨

夜永長門靜  
愁多欲斷腸  
開簾拜新月  
歌吹在昭陽

陳約一首

約字博文嘉興人  
洪武中官大理寺卿  
出為山西布政使  
有一默居士集

構李詩繫博文元儒竹林先生長子與弟綱繹緝倡和緝尤有名於時

偶成

京華二月天氣好  
寒食已過清明來  
畫樓珠箔燕新語  
綠樹

清江花亂開

陳緝四首

緝字熙文約弟

田按照文七律音節瀏亮有唐人標格

送道士謝清一歸吳中

丹鼎紅光照洞庭天壇月色帶疎星元都道士蒼精劍上界  
仙人白鳳翎  
朝迴天蕩蕩  
藥珠經盡晝冥冥  
欲從杖屐  
秋山裏  
風雨篝燈采茯苓

秋夜懷明本

溪聲浙瀝起蒹葭  
溪水潺湲激白沙  
大地星流還化石  
小窗燈冷不成花  
江淮烽火三千里  
城郭民人八九家  
避地欲尋張博望  
月明滄海汎靈槎

送周煥文從唐伯剛之吳興

碧瀾堂下即吳興  
十里芙蓉繞石城  
山簡歸時應倒載  
條侯

醉後尚談兵  
蘋洲雨過秋聞雁  
橘里春深曉候耕  
事簡好將樵唱曲  
水晶宮裏坐吹笙

弔古

投筆渡江江水空  
朝馳淮海暮吳中  
江東壯士輕王猛  
吳下諸公失呂蒙  
山鬼有靈暖夜月  
野花無主怨東風  
盡將骸骨填溝壑  
誰在雲臺第一功

林公與一首

公與字學民黃巖人

許介石所重耕民元季先死學民齊民在明初俱不

受徵聘

田按公與一號盤所許介石有題林盤所家藏溫日  
觀葡萄詩公與與弟公存明初尚存元遺民也顧俠  
君元詩選未錄援明史文苑傳趙汭汪克寬之例存

送邱慎餘還舊居

之  
黃山兩佳士曰容懶慎餘如於沙磧中見此古璠璣妙年負  
奇氣并駕四明車縱交豪傑士吐論雄千夫金鞍坐駿馬蹋  
地紅氍毹三千六百日擊鼓吹笙竽爲樂未及央白日升太  
虛翻然理歸榜卽我泉溪居慎餘近碧山容懶臨通衢軒窗  
相隱望來往成歡娛賤子幸承接遊從連簪裾溪風柳陰釣  
山月花閒壺相逢輒傾倒往往忘所趨頻年逢數奇塵網相  
縈紆兩君力徘徊義豈魯連殊誓言永爲好桑梓長相於豈  
知故園興決若東潰瀦容懶不可留新羅尋舊廬子又舍我  
去去與容懶俱交歡契夙好展拓伴新圖我懷抱離索鬱鬱

當何如天寒歲云暮霜月梅花初寫言不盡意願效蛩駘且

林公存 一首

公存字義民公與弟

同諸兄送慎餘

經年同里巷一日賦歸與素履紅塵遠清襟玉雪虛臨岐那  
忍別得句未能書樽酒綢繆處舟行月上初

林公冶 一首

公冶字齊民

用按公冶亦公與兄弟行也

送邱君慎餘

十載交遊處茲辰不可留鷓鴣知有待猿鶴已深愁棹發花



山月詩吟桂子秋九峯無百里回首思悠悠

李毓 五首

毓本姓林字長民黃巖人

田按長民亦公與兄弟行也一號藥所許介石有題林藥所家藏子昂枯本竹石圖詩長民詩冲淡有陶韋意趣

送許介石

出門送夫君信知離別苦窮居天一涯浩懷誰與吐念昔傾蓋初開口見肝腑誓將歸石床共卧松蘿雨風雲忽西來去若黃鵠舉幽期不果諧玉樹何時覩飲餞出芳郊青陽滿寰宇雲鴻逝冥冥遊魚亦江渚相思幸寄書在遠當自樹

臨水感懷

觸事卽成感苦心誰復知青春漸漸去鬢髮生華絲同裳豈無人慨悵今昔非東流尙不盡爲寄長相思

次韻答介石秋夜見寄

山堂夜無月所見螢燿輝幽懷忽破碎澹若無所依思得同心友攜手同車歸誰歌綠水曲要渺凌空飛

答翠易子

離居感急景寒荷念同裳佳期渺難合遠意孰與將風颭石林靜日落松筠涼祇應羽駕來共采瑤草芳

題弟齊民禱雨有感卷

卧龍不肯爲時出旱魃有意如人長爾能呼龍起冥漠我心得雨生清涼池塘一夜煙草綠江天萬頃魚波蒼潘君志喜

動新作墨花猶帶龍涎香

田按三台詩錄稱齊民上寒坑祈雨有應士人爭為

歌詩此詩亦同時作也潘時岡喜林橋隱禱雨立應

云寒坑山倚天起六丁鑿開混沌髓下根滄溟幾干

威怒林君乞靈誠靈靈側足元宮不自憐風先驅兮

雨隨履頃刻如注天瓢水郊原一覽生意新松底流

泉自相語時阿字鶴亭黃巖人

董佐才一首

佐才字良用上海人洪武初薦辟授洛容知縣

田按良用與弟良史並有文譽良史詩別見

讀杜詩有感

幾年京國暗戈矛淪落誰憐杜甫愁春漏也曾嗔錄事秋饑

仍復問彭州平生忠義貧逾見小技文章老更優我亦此身

無定處夕陽孤倚仲宣樓

王鈞一首

鈞字天全嘉興人

田按天全與兄鏞有合刊詩藁惜今不見詩綜已錄

鏞詩余據樵李詩繫補錄天全詩一首

水竹居為朱克恭賦

文采風流偶晉賢由來蹤迹托林泉候門童子清如鶴留客

軒窗小似船錦鯉寄將書咫尺綠鸞飛下月嬋娟何時把酒

同燒筍卻訪東坡笑渭川

張輿一首

輿字行中仁和人洪武初上書授刑部主事與弟輅

合作聯輝集

卷十六

田汝成委巷叢談洪武中浙江都司徐司馬令郡城人家植冬青樹於門數年後街市綠陰而地張輿賦詩云比屋冬青樹人皆隱綺羅春風十年後維恐綠陰多

約可閒老人訪王藥圃

明朝寒食風日晴可閒欲同湖上行先拾玉壺園上翠卻聽  
瑤石山頭鶯茶鑪煩為試新火杏酪不須和冷飭君若肯將  
花徑掃日高相與到柴局

張輅 一首

輅字行素與弟

贈陳士甯 全嘉興人

橫溪別業錦雲鄉紅白蓮花薜荔牆百事不關心獨靜孤雲  
無著興偏長佳人雪藕供微醉童子分茶坐晚涼如此好懷

誰解寫詩成還讓孟襄陽

鄭杕 一首

杕字叔韃浦江人有學古齋集

田按浦江鄭氏號為孝義家元明兩朝均詔旌表其  
門明初有曰淵曰洧曰濂曰湜者皆以行誼聞太祖  
詔濂等入見問以治家長久之道對曰守家法而已  
太祖深嘉獎之拜為福建參議洪武二十六年東  
宮官屬久缺命廷臣舉孝弟節行之士廷臣以鄭氏  
對太祖曰鄭氏朕素知之聞其里人王氏亦傲鄭氏  
家法皆可選用以風勵天下乃徵兩家子弟三十以  
上者詣闕既至令自推舉鄭氏舉濟王庶子二十九年  
濟為左春坊左庶子勲為右春坊右庶子二十九年  
復選才閭右曰沂者名為禮部尚書其從子幹拜御  
史楷蜀府教授杕其兄弟行宋學士景濂女婿也

海棠

映肉紅紗曉睡遲一絲春色力難支開元舊事無人記猶有

東風作畫師

鄭枋 一首

枋字叔車

田按叔車亦枋兄弟行也

江南曲

妾家住在錢塘曲門前  
歲歲湖波綠垂陽十里鎖  
輕陰芙蓉千柄送奇馥  
翠雲帖水風颼颼白蘋  
紅蓼早催秋大姑小姑  
惜芳遊見花顰眉愁復  
愁移船西來泊花底藕  
花染紅蘋葉紫妾身不  
為浮蘋生願作蓮花守  
紅死

繆仲琳 一首

仲琳永嘉平陽人洪武初平陽訓導

田按仲琳與弟仲直有壩篋集蘇平仲稱其麗藻交映逸韻迭發鏗鏘炳煥震耀遐邇洪武初兄弟皆徵至京師官之不拜歸而縣丞延仲琳為訓導縣令延仲直為訓導惜壩篋集不可得僅見仲琳一詩而已

客夜

城頭燈影寒鴉散聲悲咽東歸一葉舟夜泊松江雪

黎慎 一首

慎字克輝以字行清江人

東里文集克輝詩清新雅則有唐人韻致江西南詩徵克輝童子時為詩輒有奇語長從梁石門遊博通羣籍落魄不羈永樂初應明經召至京授職不就歸  
田按克輝與弟潛輝有倡和詩楊東里序其簡端云黎氏伯仲京華倡和之什瞻而實婉而切清江玉笥之閒山川靈秀鍾於人挺然英傑兄弟並起馳聲當時而與乎為名輩引重如此克輝有清節潛輝永樂朝進士另詳別卷

蒙山

飛峯起中天，凌雲疊連嶠。征驂駐其嶺，遐眺入冥漠。巖泉煙  
際瀉，奇石空中削。天風送黃鵠，長飛向寥廓。盤盤青天外，厚  
地何磅礴。丈夫四方志，天地安所托。仗劍歌遠遊，徒御總錯  
愕。結想陟崑崙，煙霞正綿邈。

明詩紀事卷十七

貴陽陳田輯

鐳炳 二十二首

炳字彥昂，以字行。鄱陽人。明初獻書言事，授中書典  
籤，出為大都督府掌記。除東阿知縣，引疾歸。有春雨

軒集十卷

四庫總目：劉炳詩格，伉爽挺拔，類其為人。

田按：明初詩家，燕京感事者，以宋仲敏、壬子秋過故  
宮、九首為最。劉子高、早春、燕城懷古、六律亦其亞  
也。子高詩云：金水河枯，禁苑荒東。風吹雨入，宮牆樹  
頭。槐子乾，未落沙際。草芽青，已黃北口。晚陰猶有雪  
蘄門春，早漸無霜。城樓隱映，山如戟。笳鼓蕭蕭，送夕  
陽。秋月春花，不可論關河形勝。古來存燕歸，遼閣銅



鸞墜人散高門石獸蹲牛引柴車穿柳巷馬嘶霜草  
出花園由來在德非關險不獨阿房可斷魂海內蒼  
生困亂離宮中舞女門腰肢金渠水煖龍船出彩檻  
花香翠輦移松樹盤空皆偃蓋柳條拂地更垂絲迷  
樓不獨江都恨鳥窠龍沙更可悲彥昂燕城懷古一  
律足與相抗廣寒宮殿玉為樓萬歲鰲峰壓九州番  
國胡僧青鼠帽天魔宮女彩龍舟鈞陳蒼闕山南拱  
太液紅橋海北流唯有蘆溝上月年年鴻雁不勝  
秋彥昂詩為楊廉夫朱景濂危太樸所推重余衡其  
品於西江明初詩家在子高之次與新城劉子憲正  
足旗鼓相當彥昂精鑒賞流傳古書畫往往有其題  
跋宋景濂嘗稱之

憶園廬

種園在東皋草荒瓜蔓長日落秋樹涼寒衣獨還往時逢野  
老憩自足田園賞沿溪暝忘歸古寺煙鐘響

哀周伯士

上清人

陰洞懸乳泉石沁古苔峭紺粉落秋江芙蓉澹斜照孤吟白

日晚疊嶂玄猿叫高懷誰與傳天風遞長嘯

哀趙子常

晨樵歛山青暮吸歛水綠閉戶動一紀守道不干祿平生春

秋傳疑義如剖竹哀哉青城翁心喪三年哭

哀方方壺

蓬萊五雲宮金粉飾椒壁醉時卧瓊瑜酒醒灑墨汁傲世雙

眼高鬼谷白雲溼玉堂寄書來落日夢相憶野鶴弔孤松衰

螢照荒陌

哀黃季倫

折節委榮寵頓將生死齊秋荷補壞衲空林旅幽棲懸燈禮  
繡佛清齋烹露葵虎溪流古月自與遠公期

哀葉楚庭

船頭酒百壺船尾書百冊問騎桃花馬醉弄西湖月狂吟捲  
秋濤聲撼扶桑折滄海無還期哀魂楚雲結

哀吳用晦 其祖月灣先生也

滄灣俯空寒老月懸古色殘花漂斷沼野徑繞荒宅王珣稱  
短簿牙笏猶故澤文藻遺江山蒼茫暮煙隔

行路難

奉君五彩鳳凰之綺幄七寶鴛鴦之錦牀博山氤氳之水屑  
金盤沆瀣之瓊漿春風無情不相待朱顏綠鬢年年改姑蘇  
臺上鼓如雷四時歌舞百花開當年意氣今安在鬼火如燈  
秋似海

弔晉安將軍歌

荔枝城頭花簇簇王孫不歸春水綠黃金臺前煙草荒傷心  
獨倚青雲哭淚灑鑾江江倒流楚魂暮咽楓林秋蕉黃醕綠  
湘竹語峴山石斷行人愁信陵門下簪纓會珠履筵前幾人  
在軍中擊鼓夜不眠珠翠成行鳴劍佩王孫王孫真貴人落  
筆龍蛇驚鬼神千金散土馬蹶盡鐵甲書卧雙麒麟桑柘陰  
陰連大路野市書聲晚當戶部曲悽涼白髮稀甘棠猶指將  
軍樹玉鳧金雁漆燈殘化鶴千年何日還有酒誰澆趙州土  
碧血化雨苔斑斑王孫王孫不可招仰天擊碎青桐瑤寸心  
何處寫哀素江上年年生暮潮

漢之季 哀故御史余公闕守舒城死節而作

漢之季洪流何湯湯赤子爲龍蛇蔓於漢以淮割我城邑圖  
不祥天子曰嘻予何以奉宗廟朝羣臣登明堂曰予近臣御  
史闕咨爾撫師古舒國闡以外爾制之賜爾三百衛士斧與  
節毋黷民毋究刑苟附而安文武并用禮之經臣闕昧死頓  
首泣主憂臣辱敢不力御史騎馬來萬姓淚落喜且悲子我  
塗炭民漢官威儀今見之東市牽牛羊西市羅酒漿紛紛列  
道左御史下馬相扶將諭以天子聖且愛明見萬里外宵旰  
不遑食兵爾饑爾苦顛沛御史雖愚頗知忠與慈惟爾患難  
相扶持鼓爾鼓旗爾旗疾則疾徐則徐壯者戰守老者居俾  
爾農桑毋奪食桑青青麥茫茫牛羊走邱墟御史城上行茅  
屋人家聞讀書以爲人心敵至輒敗不敢窺城東嘯虎豹

城西嘯熊羆斬黃攻始退山越什什伍伍來相圍裏瘡戰城  
南吮血戰城北大船小船捍江列嗟城中如流魚御史奮臂  
城上呼悲風揚塵沙起白日無光士爭死廩無粟士氣衰朝  
食城上草暮煮城下其癘疫相枕何流離御史斬愛馬士卒  
不忍食日久援不來矢盡兵殘益危逼梟騎死野戰烏鳶銜  
肉流尸僵孤城坐殄瘁土地道不可當御史誠不德握手  
謝父老爾民多殺傷御史登城北面拜稱臣萬死無以報陛  
下闔室竟與城俱亡楚山蒼蒼楚水洋洋御史之節功烈顯  
彰天之奎壁地之河嶽人之綱常千載弗渝日月普光誰能  
置廟復立社享爾祀爾百世及天下

田按忠宣守安慶逾六年小大二百餘戰戰無不勝  
糧絕城陷以死彥昂嘗從忠宣軍事問故能道其詳



如此余檢青陽集附錄有劉參謀舒州謠云大夫仗  
 鉞來守舒舒州城小鐵不如城下長江限濠柵周遭  
 守備用白夫賊于干城不得踰大夫叱戰人爭趨  
 嬰魘魅半就死陰風吹血腥東吳七年孤兵經百戰  
 白日炯炯忠義俱我民衣食仰官給盡力効死甯唯  
 盱王師不援百計疏城中食盡官無儲沔陽健兒肆  
 剽殺師人逮盡終何辜大夫應戰如走珠誓國甯愛  
 千金軀寶刀斷折笳暗鳴戰不持鐵至日哺絕咽剝  
 膚血濺鬚游魂半空罵賊奴大夫白骨行將枯大夫  
 赤心死不渝蓋亦參謀忠宣軍者惜不詳其名也宋  
 景濂作余左丞傳稱公詩文篆隸皆精緻可傳張來  
 儀有餘將軍如篆書搦本歌附錄於此余將軍守舒州  
 舒州之軍城大如礪長江西來繞城流賊船如雲壓城  
 脚將軍提劍坐城頭寶劍未動賊已奔鯨鯢蔽江與  
 為渾孤軍六年二百戰王師不來城自存無兵猶與  
 戰無食安可支豈無愛妾與愛馬殺之不壯士猶日  
 力盡勢竭將奚為倉皇齧舌罵不已義士三千同日  
 死只今猶有盡忠池碧血清冷化為水將軍持節東  
 州時作此篆書形崛奇妙墨已隨神物化好事當時  
 臨得之雖非其真意獨在垂金屈鐵蟠蛟螭我拜重  
 是忠臣迹秦斯雖古其人非嗚呼將軍此書配者誰  
 請君摹取活溪石上中興碑

過南湖翫

城頭開船北風起帆輕直過南湖翫上水歡呼下水嗟龍王  
 廟前准燒紙小婦攀會楊柳磯淮鹽換得鱖魚肥沽來新酒  
 不成醉卧聽鄰船歌竹枝

題夏博士晉王羲之右軍像

上東門外胡籬嘯萬里塵飛洛陽道潛龍東渡晉中興羣馬  
 南浮國重造石城龍嶷昔所都庶事草草嗟良圖衣冠簡傲  
 禮樂廢朝廷放曠君臣疏大令平生最超卓早年門第居臺  
 閣內史新除典要樞右軍任重參帷幄擅場翰墨出神奇蔡  
 衛鍾張早得之晝長燕寢森兵衛日煖鵝羣戲墨池來禽青  
 李囊盛寄裏鮓黃庭醉後題春風三月山陰曲羣彥流觴映

修竹一時簪冕屬高風百年文藻懷芳躅流落斯文感古今  
後代宸聰復購尋小字昭陵傳玉枕數行定武抵千金忽見  
畫圖雙眼失采采丰神驚玉立羽扇蕭疏晚日晴烏紗彷彿  
秋塵襲繁華如夢轉頭非典午山河幾落暉唯有鳳凰臺上  
月春風依舊紫簫吹

瓊姬墓宋仲珩同賦

野花凝粉鈿瓊姬醉時面夕露柳絲長瓊姬晚黛妝行人墳  
上莫回首一顧春風一斷腸

田按姑蘇志瓊姬墓夫差女也與夫差墓相近高季  
迪徐幼文均有詩附錄於此季迪云夢別芙蓉殿頭  
墮釵零落誰收土昏清鏡忘曉月冷珠襦恨秋麋鹿  
昔來廢苑牛羊今上荒邱香魂若怨亡國莫與西施  
共遊幼文云館娃宮裏已堪愁况值泉臺閣小邱月  
冷寶奩無復曉池空玉雁不知秋蘿間舊屋僧來住

舟竹下新亭客過遊不有佳名留郡志誰能識此為停

旅中除夕簡劉子憲助教張左司

麝煤凝鴨鎖虛窗虎衛巖城禁漏疏鄉夢牽情千里遠客愁  
隨臘一年除酒痕釀煖春連甕梅粉吹香晚近廚自寫桃符  
燒短燭壯懷那厭食無魚

和九日韻寄朱見中

野樹荒臺帶晚陰昔年歌舞憶登臨桃花紈扇西風冷蔓草  
銅駝夕露深舊夢青雲連館閣多情華髮老山林江南庾信  
傷秋倦疏雨簾櫳怯暮砧

弔杞上人

重來湖上弔山僧淚落東風憶葛藤江海有詩傳慧可叢林

無法繼盧能草深方丈迷春屐塵暗袈裟掩暮燈因憶沔陽  
錢太守芭蕉亭上賦詩曾

待渡溪澣寫懷

繁華雲物都非舊一片寒沙卧夕陽唯有壞垣春雨裏野花  
猶似美人妝  
桃花扇底春風面一曲吳歌一斷腸紫陌紅塵多少夢鬢絲  
贏得老劉郎

秋詞

廣寒樓閣玉爲梁月裏姮娥百寶粧流水莫題紅葉句人間  
天上隔宮牆

題葉楚庭醉漁巷簡彭敬宗劉子原子載子明

落盡荼蘼草覆茵二分流水一分塵小車都載鵝黃酒蘇小  
墳前醉過春

暮春寫懷

晴雪飛棉柳樹斜雨餘紫陌淨無沙春風日日騎官馬兩袖  
東風看落花

同周伯留連榻劇談悲歌有感

醉來拔劍斫珊瑚嬾向侯門更曳裾夜半聞雞眠不著草堂  
秋雨讀陰符

甘瑾 十三首

瑾字彥初臨川人明初嚴州同知

國雅甘二守彥初思頗清僻如一瓢風外樹雙屐兩  
中山白草交河道清笳捕虜營錦衾成獨旦羅扇覺

先秋亦是高唱  
列朝詩集甘瑾餘于元末張承旨翥僑居雲錦山  
中與彥初及張可立甘克敬往返甚數評彥初詩如  
美女簪花可立如貞婦守節彥初入國朝為嚴州同  
知或云翰林院待制皆未詳也或云臨川人  
田按彥初詩集不傳他本所選者多五七言近體余  
從朱性父珊瑚木難見彥初植芳堂詩題名鄱陽甘  
瑾作豈流寓不常錄詩者以所在題之耶明音類選  
光嶽英華均題作餘千人彥初律體音節高亮是錢  
郎一輩人

### 植芳堂

猗蘭被九畹佳蕙滋百疇  
荃蕸與杜葑羅生交綢繆  
俟時苟不利蕪穢將誰尤  
朝吾芟宿莽夕吾漑清流  
冀茲枝葉茂充子雜珮酬  
撫琴發清商揚舲泛中洲  
美人隔南浦延伫增離  
憂攬芳結續紛日暮聊夷  
猶誓言寄所思川路良邈  
悠恆恐年不與鷓鴣鳴先  
秋陰風集中野眾芳委林  
邱蘭芷變不芳

菘菘漫道周靈均去已久千載誰與儔  
英英雲間彥雅嗜取冥搜靡蕪集遠思  
再感王孫遊何所無芳草子獨良好修  
願言闕英采以俟知者求

### 題高伯昌遠遊卷

九月朔方城河流已涸凝氈車馳犯雪乳  
椀飲兼冰汗血宛西馬奇毛代北鷹  
良材資國用翹首即飛騰

### 公孫

躍馬公孫氏荆湖舊拓疆  
函書鄰好絕陸戟霸圖荒  
城堞迷秋草樓船散夕陽  
龍文成五采終古在芒碭

田按甘彥初躍馬公孫氏一章為陳友諒而作也准  
張事多有以詩紀之者友諒事不多見余檢孔邇雲  
蕉館紀談陳友諒在江州時嘗以春暮結綵為花樹  
自府第夾道植至匡山又翦繡於道上與宮人乘肩

卷十一  
與而行黃信詩云錦繡鋪張春色滿小車花下麗人行是也黃信詩不多見附錄於此  
龍虎冲虛張真人遊仙詩

世業神明裔朝家禮秩優祝釐宣室夜賜曲鑑湖秋海月虛  
瑤席天風馴玉虬谷神應不死獨與化爲謀  
默觀元化運乘彼白雲歸廣野悲張樂青山笑拂衣玉棺天  
上葬神劍斗閒飛圭組衰崇舊宜看奕葉輝

讀靖康遺事

杜鵑嗥老洛城東烽火郊畿縱犬戎廟畧合收淝水捷虜盟  
誰定渭橋功銅駝故陌迷芳草黃屋驚塵捲朔風一自鼎湖  
龍去後小臣何地泣遺弓

讀史有感

汴流西繞漢時宮陵樹蕭蕭易朔風金盃不冰銀雁去銅仙  
無露玉盤空御溝流水人間碧禁苑蟠桃海上紅卻憶晉家  
南渡客清談不記誤和戎

錢塘懷古

落木驚波入虜塵新亭空集北來人神州未復英雄老王業  
偏安歷數屯萬騎星屯潮捲夕六宮雲散草生春百年江左  
偷安計泉下惟應泣老臣

閑居感舊

待詔金門擁珮珂南征殊賜洽謳歌亦知江總蒙恩數每愧  
楊雄識字多頭白一官今自老汗青千載竟誰磨可憐夢裏  
釣天曲回首蓬萊奈爾何

天遊龍虎山

流水灣迴路百盤  
化人樓閣倚清寒  
枕中鴻寶長生籙  
屋外元都太古壇  
金鼎有丹先試犬  
玉簫無曲不吹鸞  
麻姑未老秋霜鬢  
幾見扶桑海未乾

寄馬彥曾

百戰孤城血未乾  
故人書札報平安  
秋風代馬思燕草  
夜月湘歌怨澧蘭  
萬里江湖仍旅食  
百年天地自儒冠  
山陰更有誅茅地  
仗劍休辭行路難

次張文學韻寄涂貢士

畫角城頭曲未終  
十年哀怨萬方同  
黍離正恨傷周切  
章甫翻憐適越窮  
黃葉空山僧舍雨  
滄浪衰鬢釣絲風  
閒愁欲遣

三千斛濁酒甯辭一百筒

長沙夾夜泊

漠漠蒹葭斷渚連  
烽亭亭鼓報更傳  
迴風吹樹纜初繫  
斜月照篷人未眠  
雁足寄書懷歲晏  
蟹螯新酒及霜前  
滄浪遠浦寒燈外  
尚有漁郎未叩舷

朱弘祖一首

弘祖字彥昌臨川人  
洪武初以明經舉官  
都稅大使有東臯耕叟詩八卷

青溪暇筆太祖高皇帝以至正十五年乙未取安慶及太平甯國趙雙刀陷池州余忠宣公守安慶使判官莫倫赤市鹽浙東還泊龍灣時方以兵邀之莫倫赤自稱安慶使者太祖聞之曰余公元名臣使當道皆若之天下豈有亂哉命諸軍勿得俘掠以禮宴勞之遣還且日告余公善自為守又曰老趙在池州素

無仁心恐汝去不能免也吾以書與汝至則以示其  
左右莫倫赤至池州果為所扼以書示之趙省書曰  
但免汝一死耳鹽貨不可得也悉為所掠而莫倫引  
遂得生還福按余公之守安慶也趙雙刀陳友諒引  
羣盜四面而攻神廟皆由天縱非一時英雄所  
日兵不攻堅而攻神廟皆由天縱非一時英雄所  
能知也其時友諒已僭大號據有全楚隱然一國而  
太祖初提一旅之師渡江而來若又悉力疲眾以攻  
堅城不惟頓兵挫銳然自撤屏翰身受強敵則亦安  
能從容俯仰矚兵秣馬以觀四方之釁而出萬全之  
計哉此其遠畧何如也故使之然乎其後友諒雖下  
為我用豈非天佑國家故使之然乎其後友諒雖下  
安慶然兵力亦自是漸衰而勃興之朝已莫之能禦  
故陳氏不旋踵而滅也臨川朱彥昌有弔余公詩一  
聯云十年血戰身無援一旦唇亡齒亦寒下句蓋指  
友諒而云耳於此見受天命者其所云為固自異也

環溪亭

一曲清江抱畫闌八窗如在落星灣紅塵隔斷花香外白浪  
飛來鏡影聞蝌蚪舊藏書帙淨蜻蜓長立釣絲閒何由動我

山陰興卻棹扁舟雪夜還

李鎬一首

鎬字叔京臨川人洪武初徵為國子學正轉翰林院

編修領中都國子監事

田按叔京植芳堂詩顧嗣立錄入元詩選癸集而不  
詳其仕履余檢蘇平仲集北麓處士李公墓誌云李  
鎬字叔京臨川人第學能文應詔至京師擢國子學  
正轉翰林編修領中都國子監事洪武戊辰人考會  
試與伯衡同事蓋叔京與平仲同考會試因為其父  
北麓求誌墓也雙槐歲鈔云洪武戊辰會試以蘇伯  
衡李叔荆為考官試官豈叔京亦沿其訛余為考正如此  
作元人曾煥江西詩徵亦沿其訛余為考正如此

植芳堂詩

春陽被臯陸時雨浹初晨荷鉏臨前除闕壤當荒榛藝本日  
成列培根毓奇芬條枝及時榮專芻韞以分服綵憩嘉蔭端

居離垢氛眷茲世葉繁德馨惟日新興言用棄穢庶以樂吾  
真

趙迪一首

迪宜陽人洪武中官吏部侍郎

田按洪武時有兩趙迪一河南宜陽人初姓張洪武十九年由歲貢任吏部左侍郎見弇山堂別集卿貳表一福建懷安人俞汝成明百家詩所稱鳴秋山人也牧齋誤作一人竹垞辨之極詳余據弇州卿貳表佐證益明兩存其人見此卷一見二十一卷

元夕應制

龍樓錫宴月初斜寶炬星分照翠華五夜歌鐘連甲第千門  
燈火映皇家錦筵人醉飄金縷羅綺春晴散綵霞自是宸遊  
多樂事叨陪幾度揚宮花

劉秩三首

秩字伯序豐城人吳元年授典籤除檢閱出為武安  
州同未行改知崇明州以誣被謫事白棄官歸有聽

雪蓬集

列朝詩集伯序知崇明州奏免租課民立祠以祀之未幾提點鹽法發其奸被誣下獄幼子孫孫年十二詣闕訟冤上白其事斬誣者竟棄官歸事在危素獄記

東湖女

東湖女兒髻縮鴉清晨結伴來西家碧羅裁衫照秋水香酥  
暈臉明朝霞儂家住在大隄曲幾度採蓮湖上宿江南遊客  
最關情相思一夜秋波綠

冬日卽事



縣邑干戈後城空景寂寥山寒雲釀雪江晚月通潮壯士征  
衫薄將軍戰馬驕只今邊境上誰是霍嫖姚

秣陵懷古

秣陵風物近如何兵後登臨感慨多雲淨石頭秋嶂出月明  
淮口暮潮過離人暗滴青衫淚商女空懷玉樹歌忽憶舊時  
驄馬客于今白髮老山阿

陳元達一首

元達字子曉黃巖人洪武中知新樂縣

紫騮馬

紫騮馬黃金鞍青絲絡頭瑪瑙寒馬上誰家年少子錦裘繡  
帽驚人看平生鬪雞不識愁日日長衢走紫騮豈虞勢去如

崩瓦紫騮空棄槽櫪下日暮驅逐如亂兵饑向駑駘乞殘莖  
紫騮馬古來貴盛皆鮮終遺棄舊物不足惜輕薄取敗非英  
雄

何明遠一首

明遠字文儀黃巖人明初應詔授明州市舶提舉

寄宿旅邸

旅館藜床七尺慳草茵零落布衾單五更霜淨天如洗人與  
梅花一樣寒

張存一首

存字性中丹陽人洪武初貢生官遂安主簿有雪洞  
先生集

練湖亭

孤亭倚太空修篁落疏影  
境靜心自閒頓覺塵事屏  
橫琴鳴冰絃古調誰能省  
顧此澹忘歸滿山秋月冷

諸葛伯衡一首

伯衡名阡以字行蘭溪人  
洪武初以薦授北平雜造  
局大使終廣東參議

墨梅

玉龍倒吸墨池乾  
鱗甲驚風片片寒  
喚醒羅浮仙子夢  
暗香和月到闌干

魏資政一首

資政字之觀宣城人  
洪武初以薦授棗強丞遷監察

御史

元妙觀

一簇煙霞擁碧峰  
已知羽士躡仙蹤  
客來衡嶽騎青鹿  
祭罷雲壇起絳龍  
座上老師能啖柏  
庭中雛鶴未離松  
道人自種黃精食  
敲火烹香不用春

李純道

純道字思文東陽人  
明初教諭有易簡齋三桂齋稿

題西巖紫霞洞

隱君獨愛西巖奇  
丹厓石室相蔽虧  
青松蔭地土花長  
碧蘿挂月秋陰垂  
每從雨後拾瑤草  
時向人間歌紫芝  
遙想高風在林壑  
何當躡屐相追隨

李徵一首

其民徵山陽人洪武初國子生授考工監令擢兵部尙書

次若虛泛舟

月滿船窗睡起遲鄉情詩思兩依依山光笑我重回棹春釀

憑誰一典衣撲面風塵偏作惡傍人水鳥欲忘機故園到日

春還在幾處薇花照晚扉

黃禁錢復亨二首

復亨松江華亭人洪武初以薦為嶧縣教諭詩綜作蕭山教

論有講餘集賦賦上觀山嶺客來爾爾清風浪

送黃太守  
江北江南春早山前山後暮晴芳草渡頭客散桃花馬上人

行

題畫

石門斜帶曉山開楊柳陰陰護綠苔何處畫船晴雨外綺羅

風裏載春來

李思齊一首

思齊字齊賢東陽人元進士知龍泉縣洪武中以薦

授河南按察僉事命下卒

題徐氏蒲石卷

獵獵石上蒲青青迸苔碧何人寫冰紈清氣生几席

蘇詩合上... 蘇詩合上... 蘇詩合上...

蘇詩合上...

蘇詩合上...

蘇詩合上...

李思齊

風夷海春來

百門除帶... 蘇詩合上...

王熙書

明詩紀事卷十八

貴陽陳 田輯

田鑑

王蒙 五首

蒙字叔明吳興人元末官理問洪武初為泰安知州

坐胡黨死

王達聽雨樓諸賢記王蒙字叔明號黃鶴山樵趙松雪之外孫也素好畫得外氏法然不求妍於時惟假筆意以寓其天機之妙為文章不尚矩度頃刻數千言可就

都穆談纂王叔明洪武初為泰安知州泰安廳事後有樓三間正對泰山叔明畫泰山之勝張絹素於壁每與至輒一舉筆凡三年而畫成傅色都了時陳惟允為濟南經一舉與叔明皆妙於畫且相契厚一日會值大雪山景愈妙叔明謂惟允曰改此畫為雪景可乎惟允曰如傅色何叔明曰我姑試之以筆塗粉

明詩紀事卷十八

一

色殊不活惟允沈思良久日我  
 筆張滿彈之粉落絹上儼若飛  
 神奇叔明就題其上曰借明宗  
 俗筆後惟允固欲得之明宗因  
 百年非賞鑒家不圖往觀之政  
 善丹青不復有是筆也徐武功  
 為斯世泰山是以知斯圖妙諸  
 昔親登也後亦付十千歸嘉興  
 不盡知此畫亦小隱四部惜哉  
 氏火作此州山人四部惜哉  
 王世貞作雲州小隱四部惜哉  
 崔彥暉作雲州小隱四部惜哉  
 栗黃宏麗之致耳而此圖則清  
 陽妙致驟見之致耳而此圖則  
 圖後意似小未盡問之百穀人  
 有滄瀾為裝師截去耳題署者  
 書所撰雲林詞而時為辭賦僧  
 人多佳士而余所知僅山陰王  
 徐一夔嘉興鮑恂桐廬俞和文  
 而已沈嘉興鮑恂桐廬俞和文  
 以報蓋待詔戲謂余勝國先朝  
 六視齋王叔明傲董北苑風雨

鑿物象俱備不知較北苑所作  
 是寫圖手遠近位置歷然不為  
 余又見其為陶宗儀寫南村圖  
 家人器其施之一圖似終遜黃  
 所擅而高之頃刻風雨至劃然  
 墨雲擁高山頃刻風雨至劃然  
 曠野少人行山僧獨歸去衲衣  
 倉皇前村民乘屋何一婢已抱  
 重茅惜被捲破屋終不棄陸走  
 老翁若望家擔物終不棄陸走  
 前溪風雨惡篙折水流駛行當  
 北苑為此圖黃鶴其戲子見晚  
 始信雲時間真筆法高古絕明  
 圖是思陵所題筆法高古絕明  
 稱賞不置予輒以贈之明相訪  
 俚言時至正庚寅秋七月夕次  
 云耶孃屋破葺茅茨風雨夕次  
 云去縉郎何事始知歸俞焯山  
 可謂雙劍一峯道人會中其藏  
 懶日余憾不得見一峯作小畫  
 張丑清河書畫舫王叔明傲董

次題黃鶴山人王蒙為雅宜山中陳惟寅畫筆法秀雅積墨清潤點染之間咫尺千里自非胸襟灑落心手和調斷不能以成斯圖益知名下無虛士觀此真跡殊覺偽者甚可笑也同時倪鄭二公各有詩題額云幼與邱壑未忘情萬疊青山照眼明擬向畫圖深處住一檐日聽松聲遂昌尚左生筆精墨妙王右軍澄懷臥遊奈少文叔明絕力能扛鼎五百年來無此君倪瓚其後附此今題選體一首斷續不可以句惜無王集補附此猶隔霧看花惟想像神妙耳紙弊墨殘粗梗正猶隔霧看花惟想像神妙耳信乎畫法之工也梗概正猶隔霧看花惟想像神妙耳張丑真蹟日錄黃王合作小幅僕暇日為郡曹劉彥敬畫竹趣圖甫畢而一峯黃處士見過僕出此求印正處士以為可為添一遠山并樵逕天趣迥殊頓增深峻矣時省郎耿君督兵華亭索僕畫甚急思拙筆弱頃刻不就因輟此奉獻吳興王蒙敬題叔明公子交敏公之外孫也天姿神品其於翰墨深入晉漢至於鑒裁尤所精詣鷗波之宅相非子而誰耶至正壬辰冬口口口口人公望拜口口口口口口口口口口田按元季四家惟倪王明初尚存董宗伯云叔明畫從趙文敏風韻中來故酷似其舅又汎濫唐宋名家而董源王維為宗故其縱逸多姿又往往出文敏

規格外若使叔明專門師文敏未必不為文敏所掩也可謂名論叔明畫有題名王子蒙者是其早歲所作叔明一作叔明叔明畫有題名王子蒙者是其早歲海卷即署斯號叔明詩無專集可採多據墨蹟錄入畫家贗託者多矣余所錄皆據明以來賞鑒家著錄流傳有緒者庶足存其真耳

姑蘇懷古 三首錄一

崔嵬靈巖山突兀姑蘇臺具區若明鏡曾照西子來玉容今

寂寞蒼海飛塵埃

錢塘懷古 三首錄一

煙草埋鴻鐘劫灰隱金闕玉殿空明月春潮去不還十二白

玉闕當年有誰攀

田按姑蘇錢塘懷古詩各三首乃陳惟寅首倡和者七人饒介倪瓚陳秀民余詮潘牧叔明與惟寅弟汝言也墨蹟流傳後數十年吳匏菴沈石田呂秉之復追和王濟之願華玉有跋語文徵仲影叔明此詩刻

入停雲館帖真蹟 國初藏安儀周家

題鐵網珊瑚圖

鐵網網得珊瑚枝寄與東吳范高士翠鳳飛來毛羽寒石化  
青羊叱不起金鼎夜煉天地根閉門不識桃花春吳煙拂草  
瀛洲綠鳥嘯花落空愁人百壺美酒恣傾倒銷盡春愁人不  
老卻從鶴背看塵寰四海如杯嵩華小

安儀周家藏  
范立胡儼和胡絲關外上下左右有顧祿王彥文  
李仁王士頊沈瑜張禮和韻皆書法精工下又顧祿  
范立重和顧祿書于闌內此圖因詩有鐵網網得  
珊瑚枝之句故世呼為鐵網珊瑚圖如倪迂優鉢曇  
花之稱  
田按此圖會著錄郁逢慶續書畫題跋記題作鐵網  
珊瑚圖今仍其舊題

范寬畫卷山水

范寬墨法似營邱散落人間二百秋咫尺畫圖千里思山青  
水碧不勝愁

惠麓小隱圖

白頭學種邵平瓜四百年前故將家第一泉頭春夢醒洞庭

煙水接天涯

陳汝言

五首

汝言字惟允吳人明初官濟南經歷坐法死有秋水

軒橐

六硯齋三筆陳惟寅惟允兄弟蘇門高士繪法宗唐  
宋傅采著色有李思訓李營邱標致  
畫史會要陳惟允能詩文山水宗趙魏公清潤可愛  
兄惟寅高士有雅宜山居亦善山水寅號大髯允號

小聲詩史陳惟允當國初為潘左丞客有壽左丞仙  
 無聲閣圖此畫之精絕者徐幼文題其山居圖云昔  
 山樓閣處看圖懷故山今日還山住儼然圖畫間泉  
 年為客處看圖懷故山今日還山住儼然圖畫間泉  
 來遠蘭徑月出對花關應知農事畢高坐有餘閒  
 尤鏗清賢紀陳惟允王為詩歌而圍棋鼓琴無一不  
 造其妙與倪元鎮為契友故有覓句仍工畫看山不  
 愛名棋枰消永月琴調寄閒情之贈  
 墨綠象觀陳汝言百丈泉圖筆墨高古無一不規法  
 董巨相傳松江王氏藏北苑谿山行旅圖有江南半  
 幅董元之稱太倉王氏有巨然溇暑山行圖董文敏  
 題為北苑此二圖皆江南名畫余見石谷臨本思慕  
 有年不能一見真蹟今觀此圖筆法與石谷所摹二  
 圖相彷彿為元人中超軼者當作董巨觀  
 田按惟允淮張時用事牧齋云惟允嘗騎馬過吳市  
 遇王止仲徒行不為下以手招之曰王止仲可來我  
 家看畫止仲尾之往弗敢後其矜仇專已如此余考  
 文徵仲溪山秋霽圖跋云惟允貴顯時止仲為門下  
 客惟允卒後其子繼從止仲學故其辭稍距惟允壻  
 劉政見之罵曰此吾外父食客那得稱吾友以筆抹  
 之今抹筆隱然猶存則牧齋之言信矣惟允與王叔  
 明為素交合作泰山密雪圖為畫苑佳話惜畫今不

傳嘗見戴醕士侍郎畫册跋云叔明泰山圖絕蹟以  
 意想像為之其畫空靈駘宕侍郎真一代畫家也惟  
 允詩少局邊幅不能如其人之豪宕七律意格靈變  
 殊有別趣西市之日索筆作畫從容就刑事詳張來  
 儀詩後

題春山圖

春雨日霏霏春林笋蕨肥魚驚花下艇犬吠柳間扉溪水濃  
 如酒山雲白似衣悠然玩清景慮淡已忘機

題溪山圖

峯巒青翠高千丈織女機絲手可攀萬壑雲生春冉冉一溪  
 花落水斑斑人行樵徑蒼蘿裏犬吠誰家綠樹間今日看圖

懷舊隱石田茅屋幾時還

九日



明言紀事卷十八  
客逢佳節每堪嗟忽遇君來共憶家醉裏他鄉今日酒眼中  
籬菊去年花解吟一老頭如雪學舞雙童臉似霞更憶明年  
會何處不知誰復在天涯

睡起

匡床午夢鶴驚破簾外柳花飛白雲漠漠茶煙當戶起丁  
樵響隔林聞詩成自刻庭前竹酒熟還羹澗底芹春盡江南  
新漲綠扁舟何處狎鷗羣

贈倪雲林

高齋閨寂傍湖渚他僻林幽來者稀綠陰當戶子規叫草色  
滿簾蝴蝶飛古人久得棲遁趣過客暫息風塵機春來水深  
可把釣况有苔石臨柴扉

王冕十四首

冕字元章一字元肅諸暨人明初授諮議參軍未幾  
卒有竹齋集三卷

四庫總目王冕天才縱逸其詩多排異道勁之氣不可  
拘以常格然高視濶步落落獨行無楊維禎等詭俊

宋濂學士集元明之間要為作者  
呼曰遍天地間皆白玉合成使人心膽澄澈便欲仙  
去及人城戴大帽如篾穿曳袍翩翩行兩袂軒翥  
譁笑溢市中應進士舉不棄去買舟下東吳渡大  
江入淮楚歷覽名山川或遇奇才俠客呼酒共飲慷  
慨悲吟人斥為狂奴北遊燕都館祕書卿泰不花家  
欲薦以館職元章曰公誠愚人不滿十年此中狐兔  
遊矣何以祿仕為即曰南轅既歸越復大言天下將  
亂哉海內無事或斥為妄元章曰妄人非我誰當為  
妄哉攜妻孥隱九里山種豆三畝粟倍之樹梅花千  
桃杏居其半芋一區薤韭各百本引水為池種魚千  
餘頭結茅廬三間自題為梅花屋嘗傲周禮著書一  
卷曰吾未即死持此以遇明主伊呂事業不難致也

當風日佳時操觚賦詩千百不休鵬騫海怒讀者毛  
 髮為聳善畫梅不減楊補之求者肩背相望以繪幅  
 短長為得米之差未幾汝穎兵起一參軍一夕病  
 帝取婺州將攻越物色得元章授諮議參軍少試以  
 死元章狀貌魁偉美鬚髯磊落有大志不得少試以  
 死君子惜之魁偉美鬚髯磊落有大志不得少試以  
 劉基文成集原章詩直而不佞豪而不誕  
 奇而不怪博而不濫有忠君愛民之情去惡拔邪之  
 志懇懇惻惻見於詞意之表非徒作也  
 郎瑛七修類稿王冕字元章號山農身長多髯少明  
 經不偶即焚書讀古兵法戴高帽披綠蓑著長齒屐  
 擊木劍行歌於市人以爲狂士之負材氣者爭與之  
 遊嘗遊京師名貴側目平生嗜畫梅畫成未嘗無詩  
 也誇好顏色只留清氣滿乾坤或以是詩刺時欲執  
 人誇好顏色只留清氣滿乾坤或以是詩刺時欲執  
 之一夕遁後太祖物色得冕因與隔飯蔬羹山農且  
 談且食上喜曰可與共大事授諸議參軍一夕暴卒  
 應制作絕云獵獵北風吹倒人乾坤無處不生塵胡  
 兒凍死長城下始信江南別有春竹齋集中未刻  
 昨見蒲菴禪師復見心題其梅花一歌亦奇特也因  
 舉其槩同錄云會稽王冕高頰愛梅白號梅花仙  
 仙豪來寫徧羅浮雪千樹脫巾大叫成花顛有時百

金間買東山展有籬落見孤韻恍然悟得華光禪我  
 朝誦梅花篇水邊籬落見孤韻恍然悟得華光禪我  
 昔識公蓬萊古城下臥雲草閣秋瀟灑短衣迎客懶  
 梳頭只把梅花索高價不數楊補之每評湯叔雅筆  
 精妙奪造化神坐使良工盡驚詫平生放浪禮法疏  
 開口每欲談孫吳一時騎牛入燕市曠日怪殺黃髯  
 胡地愛公梅花入骨髓示我萬玉圖繁花爛無比香  
 石腸愛公梅花入骨髓示我萬玉圖繁花爛無比香  
 度禹陵風影落鏡湖水開圖看花良可吁咸平樹老  
 無遺林詩魂有些招不返高風誰起孤山逋  
 國雅王參軍元章才瞻思新善繪梅竹得得意處題  
 往往奇拔尤長於七言如雲合紫駝開虎頭城千峯  
 草入龍沙海氣壑欲盡松風聲抽思雖奇摘詞未秀  
 同影陷落日萬壑欲盡松風聲抽思雖奇摘詞未秀  
 詩藪王元章世但知其梅王孟端世但知其竹前哲  
 以藝為諱良不虛也其梅王孟端世但知其竹前哲  
 支允堅梅花渡異林陵國王元章豪俠士也其詞語  
 跌宕不羈可想見其爲人如五更驟雨隨風過滿眼  
 落花如雪飛可憐華山陳處士風流文采卻貪眠桓  
 溫豈解知王猛徐庶從來識孔明野蒿得雨長過樹  
 海燕隔花輕笑人可喜一湖楊柳色不禁三月杜鵑  
 聲青苔蝕盡床頭劍白日消磨鏡裏霜皆爲時事而

發至花落不隨流水去鶴飛長帶白雲來獨鶴遠從  
 天際下老夫如在畫中行秋風遶屋樹聲雜夜雨落  
 山溪水多萬里山河秋杳杳一天風雨夜蕭蕭亦佳  
 句不可沒也  
 顧嗣立元詩選元章嘗遊燕都工於畫梅以臘脂作  
 沒骨體燕京貴人爭求畫乃以一幅張壁間題詩其  
 上曰疏花箇箇團冰玉羌笛吹他不下來或以為刺  
 時欲報之冕覺亟歸隱於會稽之九里山自號煮石  
 山農  
 汪日起潤亭漫鈔至元中楊瓊真伽恢復佛寺三十  
 餘所時棄道為僧者七八百人皆挂冠於上永福寺  
 帝師殿梁間飛來峯石壁皆鐫佛像會稽王元章冕  
 詩云白石皆成佛蒼頭半是僧  
 田按顧俠君據朱竹垞所作元章傳云元章為元逸  
 民未嘗一日參軍事且引徐顯稗史集傳為證錄入  
 元詩四庫提要云明太祖下婺州聞冕名物色得  
 之授諮議參軍未幾卒宋濂為作傳載潛溪集中敘  
 其始末甚備舊本題為元人非其實矣余謂稗史傳  
 間異辭提要據宋景濂傳以為信識卓矣元章詩雄  
 快豪宕七古尤為獨絕稱其為人

關河雪霽圖為金陵王與道題

飛沙羃人風墮幘老夫倦作關河客歸來松下結草廬卧聽  
 寒流雪山白悠悠如此四十年世情脫略忘閒關今晨見畫  
 忽自省平地咫尺行山川鳥道連雲出天險玉樹瓊林光閃  
 閃陰崖絕壑望欲迷冰花歷落風淒慘枯槎側倒銀河開三  
 巴春色隨人來漁翁舟子相笑語不覺已過洪濤堆溪回浦  
 漱石齒齒溪上人家成草市長林大谷猿鳥稀小步蹇驢如  
 凍蟻西望太白日色寒青山削出蛾眉山人生適意隨所寓  
 底須歷涉窮躋攀明朝攬鏡成白首春色又歸江上柳何如  
 高堂掛此圖浩歌且醉金陵酒

金陵行送余局官

李白題詩舊遊處桃花楊柳春無數六代衣冠委草萊千官

事業隨煙霧大江西下秦淮流石頭寂寞圍荒邱原田每每  
盡禾黍青山不掩諸公差高樓如天酒如海觸景令人生感  
慨紅墮香愁燕子飛風流王謝今安在我欲去尋朱雀橋澹  
煙落日風蕭蕭交疏結綺杳無跡但見野草生新苗小兒紛  
紛競豪縱區區割據成何用芙蓉水冷燕支消千古繁華同  
一夢傷今弔古如之何頭上歲月空蹉跎君行喜有絲五純  
宦情不似詩情多江南故事可知否白雲翼翼變蒼狗休論  
平生錦機手浩歌且醉金陵酒

雪麓漁舟圖

大山小山無寸青長江萬里如月明楚天不盡鳥飛絕老樹  
欲動風無聲何人方舟順流下草衣箬笠俱瀟灑篷底有兒  
能讀書不是尋常釣魚者立貞子陶朱翁避世逃名俱已矣  
後來空自談高風我視功名等塵垢何似忘言附杯酒武陵  
豈必皆神仙桃花流水人間有

寄太素高士

我昔扁舟上邪溪尋君直過丹田西長松月冷嘯子規春風  
滿地芳草齊樓殿玲瓏金碧湧鐘聲不出松雲重老猿掬澗  
山影亂翠禽啄露巖花動此時相見不作難握手笑上松花  
壇壇下十萬青琅玕空陰漠漠常風寒我對青山論今古青  
山茫茫無一語知其與我忘爾汝石瓢酌我雲根乳冷然使  
我肝膽清飄裾欲渡浮雲輕千峯回影陷落日萬壑欲盡松  
風聲回首溪山忽成別幾見江梅飛白雪洞庭湖上聽夜雨

明詩紀事卷十八  
仲宣樓頭望明月  
熒熒對景傷古情  
寸心欲吐書難憑  
何當相晤一抵掌  
與君細看真蘭亭

柯博士畫竹

湖州老文久已矣  
近來墨竹誇三李  
紛紛後學爭奪真  
畫竹豈能知竹意  
奎章學士丹邱生  
力能與文相抗衡  
長縑大楮縱揮掃  
高堂六月驚秋聲  
人傳學士手有竹  
我知學士琅玕腹  
去年長歌下溪谷  
見我忘形笑淇澳  
我爲愛竹足不開  
十年走徧江南山  
今日披圖看新畫  
乃知愛竹亦如我  
何當置我於其下  
竹冠草衣相對坐  
坐嘯清風過長夏

吹簫出峽圖

巖崖峭絕撐碧空  
倒掛老松如老龍  
奔流落峽噴白雪  
石角險過百丈洪  
我昔放舟從此出  
牽拖失勢氣欲折  
春風回首三十年  
至今認得山頭月  
草堂清晨看圖畫  
畫裏之人閒似我  
波濤洶湧都不知  
橫簫自向船中坐  
酒壺茶具船上頭  
江山滿眼隨處游  
安得更喚元丹邱  
相携共上黃鶴樓

猛虎行

去年江北多飛蚤  
今年江南多猛虎  
白日咆哮作隊行  
人家不敢開門戶  
長林大谷風颼颼  
四郊食盡畊田牛  
殘膏賸骨委邱壑  
鬪嘯雨無人收  
老烏銜腸上枯樹  
仰天烏烏爲誰訴  
逋逃茫茫不見歸  
歸來又苦無家住  
老翁老婦相對哭  
布被多年不成幅  
天明起火無粒粟  
那更打門苛政酷  
折醒販肘無全民  
我欲具陳難具陳  
縱使移家向廛市  
破獍猥猶喧

成羣

有感

江南古客無寸田半尺破研輪租錢好山好水難資緣荃房  
日薄蒙荒煙囊中科斗二百年大經大法垂幽玄他人不知  
我自憐落花春暮嗁杜鵑杜鵑嗁苦山竹裂錦官宮殿煙霏  
滅人間百鳥無處栖青蠅貝錦成行列北望茫茫莎草黃葱  
河五月天雨霜岐陽不見真鳳凰山雞野鷺爭文章江南估  
客苦無計卻向水中舉薛荔沙漚夢老蘋雨殘溼雲不動天  
如醉回觀蓬萊十二樓我會讀書樓上頭樓前平碧千頃秋  
白露暗洗芙蓉愁歲寒歸來有誰在青松是兄梅是弟山中  
巢許不可尋卻對老嵇飧石髓

題申屠子迪篆刻卷

我昔聞諸太古初馮翊窅窅安可摹自從庖羲得龍馬奇偶  
變化滋圖書結繩之政由此毀科斗鳥跡紛紜起後來大小  
二篆生周稱史籀秦誇李只今相去幾百年字體散漫隨雲  
煙岐陽石鼓土花蝕嶧山之碑野火然縱有秦銘刻岑石冰  
消雪剝無蹤跡書生好學何所窺每展史編空歎息樊山先  
生東魯儒好古博雅耽成癩八分小篆純古法鑿石置之東  
南隅白日光芒爭照耀滿城走看嗟神妙向來傳寫何足珍  
棗木空遺後人誚徐公手摹烽火塵金陵近刻殊失真那知  
此本意態淳丞相李斯下筆新申屠墨莊有傳授法度森嚴  
非苟苟豈爲後學得所師萬世千秋垂不朽

田按子迪名駒東平人御史致遠子子迪為紹興理  
官問交於王止善良止善曰吾里人有王元章志行  
不求於俗欲與語非就見不可子迪至即遣吏以自  
進謁禮益恭且白於大尹宋子章具書幣製冠服俱  
造其廬以請元章為之強起入學舍講授元章此詩  
所謂篆刻卷者子迪重刻嶧山秦碑二石置於紹興  
學官今世所謂申屠本也又詩所謂申屠墨莊有傳  
授致遠嘗聚書萬卷名曰墨莊見元史本傳

寫懷

世情多曲折客况自堪憐聽雨愁如海懷人夜似年草肥燕  
地馬花老蜀山鷓冷澹無歸計蒼苔滿石田

偶成

二月江亭野色明揚花飛散雪盈盈鹽煙半入海氣白風雨  
忽來谿樹鳴離思厭聽孤燕語客情無奈亂山青明朝又上

長安道卻望咸陽舊帝京

過昭瑞宮次韻

金屋無人玉殿開青蒲埋沒遍莓苔舊愁隱隱隨煙浪新恨  
綿綿入草萊紅葉已隨流水去黃門空憶看花來東南富貴  
消磨盡留得荒邨古將臺

異鄉

東山西山生白雲異鄉那忍見殘春野蒿得雨長過樹海燕  
隔花輕笑人每是閉門疎世事何曾借酒惱比鄰過從時有  
相嗔怪不解潛夫意思真

金水河春興

金水河邊柳色新玉山館外少沙塵琵琶未必能愁客鸚鵡

如何錯喚人翠袖錦襜馱白馬落花飛絮闕朱輪人間天上  
無多路只隔紅門別是春

張紳 十一首

紳字仲紳一字士行登州人洪武十五年以薦授鄆

縣教諭尋召為右僉都御史終浙江布政使

聽雨樓諸賢記張紳字仲紳濟南人慷慨激烈不瑣

瑣於世事作為詩文雖不經意而自成一家能議論

終日晝不休息蓋北方豪傑之士為本朝浙江布政

書史會要張紳字士行山東人負才畧談辯縱橫能

作篆書 卞永譽式古堂書史張紳善篆書亦善寫墨竹

田按列朝詩集詩綜均以仲紳為濟南人蓋據王達

善聽雨樓諸賢記也考實錄十五年齊人蓋據王達

人被徵至京先是禮部主事劉庸舉題詢余使張紳

張長年皆明經老儒達於治體可備顧問遣使驛召

之恂詮長年先至命為文華殿大學士以老疾辭放

歸紳後至授陝西鄆縣教諭紳登州人以學行稱明

題畫

史四庫總目均以紳為登州人今據此改正明初

山東以詩文名家者仲紳牛士良外指不多屈宋弼

輯山左明詩洪武間寥寥數人當時豈無作者無好

事者表章之耳仲紳兼善書畫高季迪題張雲門畫

竹詩云臨池書罷換鷺文餘墨猶堪寫此君一段湘

鑿廟前意淋漓秋雨共秋雲朱竹垞云仲紳精於賞

山自稱雲門山樵雲門遺老此外尚有山門老樵雲

題江岫圖

閉門綠樹老華池芳草生偶隨蝴蝶起獨自下階行何處垂

楊院春風嬌鳥鳴

烏衣巷裏東風老蝴蝶飛來滿芳草美人春夢隔天涯十二  
巫山眉不掃巫山巫峽江水新煙波渺渺江南春鴛鴦不識  
橫塘路鸚鵡窗前呼向人青綾誰共官曹宿霜楮雲毫吮新



綠太常春夢碧霞沈六曲屏風對銀燭

高陵篇

有序

盧君公武所著孫王墓辨考據詳審與蔡正甫燕王墓辨同繼又作詩弔古合古今詩文及和之者敘次辨後成一編以示子可謂好古也矣余雅好論辨古

今同賦詩一首

道旁鬼鏃飛神叢狂客賊我人中龍有兒十七心膽雄意氣奄有江之東臍然未息炎精委四海英雄爲時起十年血戰不成功破面安能作天子盤盤門外野水濱可憐高冢埋麒麟髑髏飲恨尙不朽死骨肯作曹瞞臣墓旁春草年年碧黃金握臂人耕出姓名幸爾人不知卻怪中平一方石君不見

吳王帳下越王舞漢王成功楚王虜英雄千載欲何爲盡作北邙山下土又不見秦王治葬驪山宮玉鳧金雁俱成空武皇求仙東海上茂陵石馬嘶秋風與君下馬高陵路落日高城起煙霧闔閭壞塚在城邊何須重歎孫王墓

日出行

東方曠曠日初出田家少婦當窗織屋頭樹稀窗有光小姑催起不暇妝長梭軋軋秋絲密一日上機催一匹丁甯小郎慎勿嘸織成令汝穿完衣

捕雀詞

原頭霜深秋草薄荒邨山兒捕黃雀高張弓矢低羅網日暮競比誰得多野田吹火拾枯樹一半煨燒雜山芋北風吹草

毛血腥各自騎牛唱歌去我身不惜充爾饑空城黃口待我  
歸

送友賦得玉鉤斜

在揚州揚帝葬宮人處

右屯將軍猛如虎十二離宮罷歌舞宮中佳麗三千人半作  
玉鉤斜上土秋風蕭蕭秋雨寒翠襦零落金鈿殘豈知後來  
好事者重構華亭宿草閒亭前往來車馬集魚龍爛熳無人  
識間街屈律玉環分香徑縈紆寶釵出游人歌舞暮不歸青  
山落日爭光輝香魂夜夜無歸處化作鴛鴦陌上飛只今往  
事皆沈沒空見原頭土花碧畊夫拾得鳳凰釵恐是蕭娘在  
時物野棠花開春日西胡蝶雙飛鶯亂嘯道傍芳草年年合  
長與行人送馬蹏

題王提舉界畫樓閣圖

吳蠶擇繭銀絲光輕毫界墨秋痕香宮中千門復萬戶知是  
阿房未央樓頭美人朝未起十二珠簾隔秋水香銷玳瑁  
舞筵間夢斷芙蓉鴛帳底八窗玲瓏金鎖開君王已在迎仙  
臺霓旌鳳輦雲間合翠管銀笙天上來君不見咸陽一火三  
月紅野花嘯鳥爭春風當時亡國知何處盡在如今圖畫中  
送勤上人歸靈鷲山  
靈鷲禪房我所思可堪春晚送勤師半山嘯鳥煙霞裏一路  
落花風雨時定有猿看窗外果應知苔護壁間詩門前有徑  
通三竺欲向中天采石芝

遊冶城山

月寺已尋卷十八

瑤草秋深石磴長半空嵐氣溼衣裳江山佳處一亭古風雨  
來時四座涼陰洞水腥龍蛻角山巖雲暖麝生香道人好護  
新松樹長見清陰覆御床

再題聽雨樓卷

草樓聽雨夜春燈隔重簾瓶中新茗煮奩裏舊口添風珮潛  
歸浦雲璈亂綴檐乍驚來湛湛更覺去纖纖頗被風相妬還  
疑雪與兼喜隨魚艇泊愁怕客窗淹頭白盧徵士高情苦未  
厭

題雲林畫

春林無人白石香白雲飛來江上房扁舟載得吳娃去三十  
六灣春夢長

莘野一首

野字叔耕歸安人洪武初由訓導遷棗強知縣致仕  
後改麗波巡檢卒官有環洲集

六視齋筆記莘叔耕善畫梅居湖之蓮花莊  
田按張來儀題莘叔耕書梅雪軒詩云好畫誰如莘  
棗強墮馬折肱猶未忘何年寫此寒林趣精絕未數  
左手王明初詩家以畫梅稱者王元章劉子高唐處  
敬叔耕畫梅詩不多見

杏林仙館圖

仙家樓閣倚崇山鐵鎖千尋不可攀獨為尋真行海上偶因  
訪疾到人閒舟成紫室龍垂野杏熟青林虎抱關聞說著書  
有餘暇石壇步月珮珊珊

吳植一首

月寺記序

卷十八

植字子立嚴州人以處士徵藤州知州

列朝詩集子立別自號白玉壺善草書

留別張孟兼

故人昔隱仙華山高卧白雲終日閑我攜清都綠玉杖相與  
嘯傲煙霞間一朝忽被徵書起姓名直入明光裏清時冠帶  
圍橋門濟濟橫經臨璧水坐擁皋比三載餘石室仍紬太史  
書平生直氣橫秋嶽秉筆一字誅奸諛邇來峻擢儀曹上千  
載皇風同揖讓要知制作魯諸生元是傳經舊劉向蹇子泉  
石是生涯白頭受薦來京華相逢共醉金陵市一官卻種河  
陽花人生離會良可惜已覺形容非昨日馬頭萬點蜀山青  
回首秦淮煙樹夕丈夫才氣古所難去去有冠冠莫彈郢筒

酒熟甯辭飲飯顛詩成得細看憐君最是知予者慷慨高歌  
起中夜葛令丹砂或可求王喬飛鳥還堪借他時一笑蓬萊  
巔碧桃亂發東風前還將玉管吹明月叶似雲閒紫鳳篇

芮麟一首

麟字志文宣城人洪武中由國子生累官台州府知  
府

過庭訓分省人物考芮麟善楷書

敬亭弔古

輕雲開雨弄春陰好鳥如歌綠樹深欲問山靈招李白倚樓  
吟斷碧雲岑

袁養福一首

養福字能伯吳人洪武初官湖廣按察副史調福建

抱翁家藏集袁養福所書郭有道碑文端勁清峭深得歐陽率更筆意以其字畫之妙如此宜有書名於時然吳人固不知有袁養福也陳檢討嗣初稱其行潔負才氣有詩聲蓋不特能書而已

寄陳厚性

漫客狂遊去不歸柳深江碧暮春時十年客夢連宵雨萬里山行滿篋詩南浦草多離恨遠青樓人去雁來遲何妨脫卻風塵吏日日街頭醉似泥

